

አንፋር ቅዱስ ድሬዕ - እብ መናሰበት ዓድ ሕርየት ለዳለ ዕፌ ዓዳት ዐፈው



እብ መናሰበት 33ይት ሰነት ዓድ ሕርየት፡ ዲብ ቅዱስ ድሬዕ ኤራትሮፕ ለትወጀህ ዕፌ - 'ኮንሰርት' ዲብ የም 11 ማዕ ምን ገጽ

ምሴ ዲብ አስመረ ሚዳን ሄለል ሰብተምበር ቀርቡ። ለ "ደማን ሰላም እብ ሰባት" እብ ትብል ሰቅራት እብ ፍርቀት

ዓዳት ቅዱስ ድሬዕ ኤራትሮፕ እግል ሐድ ሰለስ ሳዕት ለቀርቦ ዕፌ ሐልየት፡ ተማሲል ወስሰዲት ለሸምልቱ ለዐለ።

ዓፍየት እግል ኤሪት ዲብ ሀበው ረአይ፡ የም ዓመት ለትዝመ ዕፌ ኮንሰርት አግል ዓድ ሕርየት ነፍረት ፍንቲት ክምሰል ሀበዩ ሸርሐው።

ክምሰል ክፋል በራምጅ ሳምንት ሕርየት፡ ዲብ የም 27 አፕሪል ዲብ አጀኒት፡ ዲብ የም 7 ማዕይ ህዩ ዲብ ደረሰ ለትወጀህ ሕድ ለሸብህ ዕፌ ዓዳት ክምሰል ገብአ ለልትፈቀድ ቱ። ምን ረውዳት፡ አስክ 5ይ ፈሰል



ለሀለው አጀኒት ለሻረከው እቱ አወላይ ዕፌ፡ ዲብ ለአትፋግዕ ለለአደርስ ኮመዲ፡ ሐካኪቶ፡ አናሺድ፡ ሰሰዲት 'ፓፔት' ምን

ምግባይት ደረጀት አስክ ኩልያት እግል ሀለው ደረሰ ለቀርቦ ካልአይ ዕፌ፡ ሚሎ ድራመ ወብዕድ ለሸምልቱ።

ዲብ ሐልፊ ሰኖታት ሕርየት፡ ዲብ ከደማት ዓፍየት ተጠውር ዐቢ ትሰጀለ

ውዛረት ዓፍየት፡ በቃዕቱ ለተአከደ ለትሳው ከደማት አኣፍየት እግል አውሰየት ትወድዩ ለዐለት ጸገም እብ ሐስ እግል አደቀቦት፡ 'ሳልሳይ ወጠኒያይ ጌማም ዐገል ዓፍየት' እንዴ ወዳት፡ ምን ሰነት 2022 ለልትመደድ፡ 'ሳልሳይ በርናምጅ ዐማር ከደማት ዓፍየት' እንዴ ጠወረት እብ እህትማም ሸቄ ህሌት።

አስክለ እብ ትሰርግለ ወቀይ፡ ዲብለ ናይ ሰልፍ ሰኖታት ሕርየት 153 ምን ምር አልፍ ለዐለ ቅያስ ሞት ዓሉቅ፡ ዲብ ሰነት 2022 ዲብ 37፡ ሞት ተሐት 5 ሰነት ለዓማርም ህዩ እብ 76 ምእታይት ክምሰል ነቅሱ፡ ወሳይቅ ናይለ ወዛረት ለሐብር።

ዲብ አጀኒት እግል መዳፈዕት ምስክነ ወሞት ለሰብብ ሕማማትእግል ሀወኖት እብ ገብእ ለሀለ በራምጅ ክታብት፡ ኤራትሮፕ ዲብ ሐልፊየ 20 ሰነት እግል ብዕዳም መሰል ሰኔት እግል ትግበእ ለለአቀድር መትቀዳም ሰጅል ዲብ ህሌት፡ መትመዳድር ትብት ክታብት 89 ምእታይት ባጽሕ ህለ።

እምበል እለ፡ ዲብ ሰነት 1991 ስስ ምእታይት ሌጠ ለዐለ ቅያሰል ዲብ መአሰሳት ዓፍየት ለወልደ እማት፡ ዲብ ሰነት 2023 ዲብ 83.7 ምእታይት ክምሰል ዜደ ልትአመር።

እግል ብንዮት ትሕትየት ለከሰሰ ህዩ፡ ዲብ ሰልፍ ሰኖታት ሕርየት ዲብ ክለ ኤራትሮፕ 93 ለዐለ

ብዝሐ መአሰሳት ዓፍየት፡ አስክ ግርቦት ሰነት 2023 እብ ገብአ ፊራሮ እብ ሐድ 4 ዕጽፍ እንዴ ዐቢ ዲብ 347 ትወቀለ። ክምሰል ፍገራቱ ህዩ 70 ምእታይት ምን ሸዐብ ኤራትሮፕ ዲብ ቀበት ሐምስ ኪሎሜተር መጅብ እብ ለሀ ብቀዕ ከደማት ዓፍየት ረክብ ክምሰል ህለ ለወሳይቅ እብ ተውሳክ ለሐብር።

እለ ክእነ ዲብ እንቱ። እግል መዳፈዕት ናይለ ለለዕዴ ሕማማት ወአሰባቡ እግል ሀወኖት እብ ገብአ በራምጅ፡ ቀደም 25 ሰነት 405 ለዐለ እብ ሕማም ሞገዕ ጀሬት ለዐለ ቅያስ ሞት፡ ዲብ ሰነት 2023 ዲብ 5 ክምሰል ትክረ፡ ዲብ ሰዕለት ዐባይ ወ'ኤኛ አይ ሺ/ኤይድሰ' ህዩ ለትትሐመድ ፍገራት ክምሰል ትክረበት ልትአመር።



ክምሰል ፍገራት ናይ እለ ዲብ ሐልፊ ስኒን ሕርየት ዲብ መጃል ዓፍየት ለገብአት እስትማር ወልትረኤ ለሀለ ተጠውር ወብዕድ

ዐምምል፡ ጌማም ዕምርለ ዲብ ኤራትሮፕ ምን ዲብ ሰነት 1991 ለዐለ 20 ሰነት እንዴ ወስክ 68 ሰነት ባጽሕ ህለ።

ዲብ ምዴርየትን አፍዐበት፡ ፓሊስ እግል ደረሰ ሰሚናር ወደው

ዲብ ምዴርየት አፍዐበት፡ ፓሊስ እግል 2600 ደረሰ ምግባይት ወካልአት ደረጀት ሰቦ እዳራት ደዋዩሕ ምህር ሀበ።

ዲብ እት መዲነት አፍዐበት፡ ቅላመት፡ ዐገት፡ ናር አንስ ወናር ተብዐት ለተህዩ ምህር፡ ቃእድ መርከዝ ፓሊስ አፍዐበት ሰርገንት እድሪስ መሕሙድ ወመስኡል መዳፈዕት ጀሪመት ኢብራሂም እድሪሱ ሸባብ እብ ዓመት ወደረሰ ህዩ እብ ፍንቲይ፡ ባርህ ምስተቅበሎም እግል ሰርገሎት፡ እብ ቅዩም ወእክላቅያት መጅተመም እግል ልትረበው፡ ክምሰልሁመ ዲብ ቃትን ለቡቱ ፈሀም እግል ልወቅሎ ወእቡ እግል ልጊሶ ክምሰል ለትሐዜ ሸርሐው።

አግደ ልእከት ፓሊሱ ጀሪመት እንዴ ኢትጀራ ዳፊያት፡ ክምሰል ጀሬት ህዩ እግል ምጅርሚን ዲብ ቃትን አቅረቦት ክምሰልቱ እንዴ አሸረው፡ ሸባብ ምሰል ፓሊስ እት ልትዓወኖ ደርም እግል ለዓቡ ትላከው።

ዲብ ደንገበ ህዩ፡ ደረሰ ዲብ ጀሪመት ምን ነስኢ ወለፍ እግል ሊራሞ፡ ክምሰልሁመ ቀሞኒን መዳርስ እት ፍዕል እግል ለውዕሎ ትፋነው።

አስመራ፡ ዲብ ባካት ዐዳገ እክል ብቅት ነድ ሳደፊት

ማሌ የም 14 ማዕ ምን ገጽ ፈጅር ዲብ አስመራ - ባካት ዐዳገ እክል ዲብ መአሰሳት ጣሑነት እክል ለሳደፊት ብቅት ነድ፡ እብ

መዓወነት ውሕደት አቅሰኖት እሳት፡ ሸዐብ ወብዕድ መአሰሳት ዲብ ሐን መራቀብት አተ። እብ ብቅት፡ ዲብ አርወሐት

አዳም ለጀሬት መደረት ምንመ ይህሌት፡ ዲብ መምተለካት ሳኪን ደማር ዐባይ ክምሰል ጀሬት፡ መስኡል ፈሬዕ ቃትን ወንዛም አቅሊም ምግብ ኮሎኔል ተስፊሚካኤል ተስፋጽዮን ሐበረ።

እብ ነድ አር ጀንሪይተር ወ3 ጠዋሒን ዐባይ ነድድ ዲብ ህሌ፡ ዲብ መብነ ናይለ መአሰሳትመ ደማር ጃሪ ህለ።

ዲብ 2ይ መርከርዝ ፓሊስ መስኡል መዳፈዕት ጀሪመት አደንጎ መሐመድ እብ ጀሀቱ፡ ሰብ ናይለ ብቅት ዲብ መርመረ ምንመ ህለ፡ ምሰል ብትሮል ወክህረበት ለልትጸበዋ ሀመሌ እግል ልግበእ ክምሰል ቀድር ተሐበረ።



መሕበር ብስር ክያጠት፡ ዕፌ መላብስ ቀድም



ገብእ ክም ህለ ለሓበረ መስኲል መሕበር ወጠን ፈንዩን ኤርትራዊ አሰይድ እብራሂም ስልጣን፡ 15 ዕድገት እንዲ ተሰርዞ፡ ማሌ ምሴት 14 ማዕ ለገብእ ናይ ደንገበ ጅግረ ክም ሻርት ሓበረ።

ሀደፍ ናይላ ጅግረ፡ ሰብ-ምህነት ክያጠት ለብብስ እንዲ ትከምከመው ፈርያቶም ለቀድም ዲብ አርደት እንዲ ጠፍሖት እሎም፡ ዲድ ሕርየት ዲብ አግመሎት ሓዘቶም እግል ለአግዱ ክምቲመ አፍሀመ።

እተ ጅግረ ቃርብ ለህለ ለብብስ፡ አስክ 13 ማዕ እግል ሸብብ ፍቶሕ እንዲ ገብእ እስሙን ዐለ።

መሕበር ፈንዩን ኤርትራዊ፡ እት ሰነት 2022 እት ሓንቴ መፈወደየት ዓዳት ወርያደት ለትአሰሰ እት ገብእ፡ አስክ እለ 100 ነፈር ቡ።

ወጠንያይ መሕበር ብስር-አዳ፡ እብ መናሰበት 33ይ ዲድ ሕርየት፡ እብ መጅብ ጅግረ ለነዘመዮ ዕፌ ለብብስ፡ እት የም 10 ማዕ ዲብ እስመራ፡ ሆቴል እምሳይራ ትፈትሖ።

ለጅግረ፡ እት ፍንጌ ምን አቃለም ምግብ፡ ግብለት ወቅብለት ብሐር ቀያሕ ለመጽአው 45 ሰብ-ምህነት ክያጠት ልባሰ ባህለት “ዲዛይነራት”

ደማነት ሰላም፡ እብ ሰባት!

መብ መሐመድ አድም

እስልፍ አሰናይ ዲብ ዝክረት 33ይት ሰነት ዲድ ሕርየት ኤርትራዊ እብ ሰላም አብጸሖኩም ወአብጸሖኩ። ኤርትራዊ እግል ኤርትራዊን ኩሉተ።

ኤርትራዊ ሰይድት ምድራ፡ ባሕረ ወሰማህ ለአከደት ዱለት ምን ድወል እድንያ ተ። ሕርየት እምብል እንዲ ህሌነ ህዩ ናይ አማን ሕርየት ወእስትቅላል ለብ ዱለት።

ሕር ሕርያን ሰያላት ለትታሌ ወእብ ለትአምን፡ እብ ሰላይት ብዕም ወእብ ርምቅ እንዲ ኢብኡ፡ ዲብ አርወሐተ እንዲ አተንከበት፡ ደማነት ዲብ ናሰ እንዲ ወዲተ፡ እብ ለሀብተ ለትብር ወእብ ሐር መርብ ወሰያሳተ ለትተመረሖ፡ ሕሸመተ ወሕሸመተ ሸብ ለትዕቅብ ወተአክድ፡ እግል ደማነት ህለየተ እብ ብቃዕት ወመቅደረት ታመት ለትዳሬታ፡ ለገብእ ልግብእ ሕሸመተ ለአከደት ዐድ ፍራስ ወምድር ኤማን ወፍርሰነት ተ። ኤርትራዊ ወሕደት ወውፋቅ ሸብ ለብ ዱለት ተ። ሸብ ኤርትራዊ ናይ ሕብር ወጠንዮቲ እንዲ አደቀብ ወሐፍዘ፡ እብ ሕለተ፡ መዕጸመ ወዐዳለቲ ለለአምን፡ ወውፋቅ እንዲ አተረደ እብ ሰላም ወመቅሬሕ ለነብር መጅተመዕ ተ።

ኤርትራዊ፡ እለን ለትዘከሪዮ ንቃጥ ህዩ፡ ዓማት ዐውቴህ ወሕለታተን። እብ ፈልድ እለ ወእብ ፈድ’ለ ለተበዕተ እግል ኩሎም መዋዋኒን ለአትፈናቴ ወለአተግሬ፡ እብ ሰላም ወእምን፡ ዲብ ወጠንዮት ለረከብት ፍእየተ ወዐገል ንዛም ሰያላት፡ እት ፍንጌ ጅብሀት፡ ሕክመት ወሸቦብ ለህሌት ደማነት ሕድ፡ ሰላም ወመስከብት ለትመደደየ ዲብ፡ ቃትን ለልትሐሸም እተ፡ ሸብ ሌጠ እንዲ ኢብኡኦ ሸብ ብዕምት ድወልመ እንዲ ትፈረረ እብ ሰላም ለለዐይር ዲብ ዱለትተ።

እለ ሌጠ እንዲ ኢብኡኦ ኤርትራዊ ዐድ ዐዳለት እጅትማዕየትተ። ኤርትራዊ መብላእ ዐዳለት እጅትማዕየት ለትተባዕ፡ እግል ክሎም መዋዋኒን እምብል ፈናታይ አክል-ሕድ ሳቲ ኩባት እግል ለህሌ ለትከድም፡ ለትመጣወረ ከደማነት ዲብ ክሉ አርኺን ወጠን ክም በዴሕ ለትተጸገም፡ እብ ሰብ እስትዕማር ምን ኩሉ ከደማነት ሕርም ወገሎም ለጸንሐ ክፋላት መጅተምዕ እግሉ አውለውየት ለትሀይብ፡ ወለእት ፍንጌ መጅተማዕ ለህለ ፈርግ እግል ተአጭብብ እብ ለባተ ሕለት ለትከድም ዐድተ። እለ ህዩ፡ አርት ምን ናይ ሰላም ወእምን፡ መጣድአ ሕጠጥ ተ።

ኤርትራዊ እብ ሰብ ሐርብ ወዳብእ፡ መዋመር እርዛቅ ሸብ ወጠቢዐት፡ መርባ ለአተነቲ ወለትብገሰት እግሉ ህደፍ ዐማር ወጠን፡ ዲብ ዐቦት እቅትሳድ፡ ወአትሓይሰ መንበረት ሸብ ረአሰ ቀደም እግል ተአሳድር ብክት ለሐግለት ተ። ምስል እለ መታክል እለ፡ ለእለ መቅደረት እብ ቀደም ትሌ ወተርቲብ እተ አውለውየት እግል ትተሀየብ ለእስትህሊ ከደማነት ለተአውዕል፡ ምን ራድኢት እንዲ አትትጸበር፡ ሸብ ለትመውን፡ እግል ገቢል አሳሲ ከደማነት እጅትማዕየት ክም ተዕለም፡ ዓፍየት፡ ማይ፡ ጣቀት ወብዕድ እብ መቅደረተ ለትቀድም፡ እግል ሸብ ብራምጅ ሳይይት ፍጹሕ ለቡ፡ ደማነት ዐቦት እቅትሳድ ወአሳሲ ዐማር ትሩድ እግል ትውተድ እብ መዕጸም ወመትሰባል ትከድም ለጸንሐት፡ ሐቆለ እተ ሐልፊየ ሰነዎት ለዐለት መዳፊዐት ዕውትት ለነጸፊቲ አሳሲ ብናእ ወዐማር ዲብ እንዲ ሰብተት፡ እብ መቅደረተ ትሸቁ ለህሌት ወክም ትትዐውት ዲብ ደማነት ታመት ለብ ዱለት ተ።

ሕክመት ኤርትራዊ ወሸብ፡ ወጠንዮት ትርድት ለዐላይመ ወመፈረጊሁ ካሪፊም፡ ጅንሰዮቶም፡ ወጠንዮቶም፡ እምነቶም፡ ሀገቶም ወዓዳቶም እንዲ ሐጠጠው አክል ሆነውከ እንዲ ለአደቁቡ ገይሶ ሰበት ህለው፡ እግል መጽእ መስተቅብል ዐቦት ወተጠውር ወጠን ወሸቦብ አሳሲ ደማነት ታመት ቶም። ኤርትራዊ ምድር ጸ’ረ ለኢትወርር ወለኢትዘምን፡ ናይ ብዕም ገባይል ሕርየት፡ ሰያላት፡ ወውሕደት ተሐሸም ለኢትን- ሕሸመቶም ለኢትክይድ፡ እግል አርወሐተ ወመንገፊህ እግል ትዳሬዕ ናይ ለገብእት ትግባእ ጀህት ተሰሬሕ ለኢትሐዘ፡ እምብል ሄራር እብ መርባ ወአከደት ለትበገሰት እግሉ ህደፈ ራቴዕ፡ እብ ሐሳደት ወከይነት ዲብ ለገብእ ለኢትአቀምን ዐድ ተ።

ጀየት ብዝሓም ለኢትትርከብ ወለኢትትጻሕ ትመሰሎም ለዐለት ሕርየተ ወሰያደተ ለአከደት፡ እለ ህዩ እብ ናይ ናሰ መቅደረት ክምሰልቴ፡ ወአይመ ለትከፊ መቅደረት ክምሰልበ እብ አፍ እንዲ ኢብኡ፡ እብ ፍዕል ለአከደት ወጠንተ። ኤርትራዊ ምን ሰልፍ፡ ሐቅ ሕርየተ እብ ድወል ዐለም ዐባየ ለትከለአት፡ እግል ዐሰርታት ሰነዎት ህደፍ ሰላይት ‘ዳቅም ሕነ’ ለልብሎ ጀየት ወዐዳውት ወራራት ዛህር ወድብዱብ ለገብእት ክምሰልታመ ሸክ አለበ።

የ’መ ምን ገብእ፡ ምን ሐሰም ባቅዳም ሰብ ጸብኢተ ኢትባልሐት። ሐቆ 80 ሰነት ሕር ሀገል ለኢትረደ እግለን ድወል ዐባየ ህለየ። ምናተ፡ ናይ መንጠቀት፡ ቃራት ወዐለም ዕላቃተ፡ ዲብ ለሕሰት ደረጀት ትትርከብ ህሌት። ገላጊል ወሰብ ሸርከተ፡ ምስል ለልትሳደደ ድወል ወብዕም ቅዋት፡ ተናዘም ወመአሰሳት እንዲ ብዘሐ ገይሶ ህለው። ለምን ሸብ ምን ጀብሀት ወምን ሕክመት ለልትጠለብ ዋጅባት ህዩ፡ እግል አሸናክ ለፈዳብ እንዲ ተአተርድ ወተሐፍዝ፡ ለሐዋን ለልትባህል እንክራት ህዩ፡ ዲብ ሰይሐት፡ እት አርተያት ወአደቀባት፡ እምብል ሕላሌ ካድም ሌጣ ተ።

እትሊ ተዋልል ዐለም እብ ማዘን ሕለት ተቅዩር ዐቢ ለአርኤ ዲብ ለህሌ፡ ሰነበት ለአለቡ አክዱ-ተዋልል፡ መትብጭባጭ፡ ዲብ ብቆት ለከሬ አፍዓል፡ ሐርብ ወለሰብብ- ሸረንርብ ደማር ማል ወአዳም ዓምም ዲብ ለህለ ወቅት፡ እህትማምን ወእንትባህነ፡ መታብዐትን እንዲ ክአደቁቡ እግል ሰላም ወመስኩብት፡ ምስል አግዋርነ ወቃራትን ጅህድነ ወውሕደትን እብ ዕጽፍ እንዲ አደቀብነ፡ ምላዕል ኩሉ ህዩ ዲብ ሸቅል ዐማር ወጠን እብ ደቅብ፡ መዕጸም ወመትሰባል እግል ንሸቁ ለአትሐዘ። እለ መብደእ እለ ህዩ፡ እብ ለትወቀለት ደረጀት ሰበት ክአምን እቡቲ ሌ፡ ዝክረት 33 ሰነት ሕርየትን “ደማነት ሰላም፡ እብ ሰባት!” ሐንቴሉ ትብል ስቅራት እግል ነዐይደ ለሐሬነ።

መሕበር ምስኩ-ናም-ፈሬዕ ባጽዕ እጅትምዑ ወዳ

መሕበር ወጠን ምስኩ-ናም ምሕርበት ፈሬዕ መዳነት ባጽዕ፡ እት የም 11 ማዕ እተ ወደዩ መ-አተመር፡ እግል መደት ክልኡ-ሰነት ለትከድም ሐዳሰ መመቅርሓይት ልጅነት ሐረ።



ዲብ መሕበር ወጠን ምስኩ-ናም ምሕርበት መስኲል ቅሰም ነዘሞት ወሐብሬ አሰይድ መሐመድነር እድራሰ እተ አሰመዐዩ ከለመት፡ ምስኩ-ናም መትንዛምም እንዲ አተረደው፡ ምስል መሻቂት እዳራት እት ልትሳደው፡ ዲብ ብራምጅ ዐማር ዶርም እግል ልቀድም እት ለአተንብህ፡ አስክ እለ ዲብ መሕበር ለኢትከምከመው እግል ልትከምከም ትፋነ።

መ-አተምሪን ህዩ፡ ዲብ ኢዕመ-ማይ ተዋልል ምስኩ-ናም ወለሳድፎም መታክል ሐቆለ ወደወ ህድግ፡ መሕበር ዲብ አደቃብ መትንዛምም ወአትሓይሰ መናበራቶም እብ ሕስር እግል

ልትጸገም ትፋነው። ዲብ ደንገብ፡ ምዲር መዳነት ባጽዕ አሰይድ ህይሌ አስፈሁ፡ እዳረት መዳነት ዲብ ኩሉ ወራታትለ ንኡሽ-ፈሬዕ ሰዳይት እግል ቲዴ ዱለት ክምተ አከደ።

ፈሬዕ አንሳት አቅሊም ምግብ፡ ምስል ሻግት ሸቃለ ልትጋማ

ፈሬዕ መሕበር ወጠን አዋልድ አንሳት ኤርትራዊ አቅሊም ምግብ፡ ፈሪም ሻግት ሸቃለ ዲብ መሳዋት፡ ጀንደር ወቃትን ለወቅል መሐደራት፡ እት የም 10 ማዕ

እት ቃዕት አቅሊም ምግብ ነዘመ። ህደፍ ናይላ እብ አንፋር ሐሸም ሰብ-ምህነት አዋልድ አንሳት ለትሀየብ መሐደራት፡ ፈሪም አዋልድ አንሳት ዲብ ቃትን።

ክምሰልሁመ ሕቁቅ ወዋጅባት አዋልድ አንሳት እግል አሰበቁት ተ።

ለመሐደራት፡ ተርጀመት ወሐዘት ቃትን፡ ንዛም-ቃትን እት ቀድዩት አርድ፡ አሰራቶት-ክሸቦ አንሳት፡ ቀድዶት ሕጻይ፡ ህዳይ፡ ሕድጎ፡ መትንዛምም ዓይላት፡ አሰቦቶት አበውየት(ዋልዳይ) ወመሳሪፍ ጅን፡ ቃትን ጀራመት ወፍቴሕ ቤት-አብ ሸብ ኤርትራዊ፡ ክምሰልሁመ ቀዋኒን እዳነ ወመሳዋት ጀንደር ለልብል ወአርኢሰ-ብዕድ ለረከዛቲ።

መስኡለትለ ፈሬዕ አሰይደ አለም ባላይ እትለ አሰመዐተ ከለመት፡ መሕበር፡ መትንዛም አዋልድ አንሳት እብ ዓመት ናይ ሸባብ ሸቃለ ህዩ እብ ፍንጅይ እግል አተረደት ከድም ክም ህለ እንዲ ሸርሐት፡ አንፋር ዶርን እግል ለዓብዩ አትፋቀደት።

መሻርከት እብ ተረተን፡ ዐባይ መንፈዕት ናይ ለመሐደራት ክም ሐበረዩ፡ ዲብ ወቅት-ምህም ክም ገብእ ሸርሐዩ ወእብ ትሉሉይ እግል ልግባእ ትፋነ።

ኦሪቲዮጫዳን

ክል አርቡዕ ለትጠ'በዕ ጀራደት

መዳልያይ፡ - መሐመድ እድራሰ

ለይአውት ወአርተያት
* ዘህረ ዐሊ
* ፋዋነ አድም

ተለፎን፡ 121797/07121322
ፋክስ፡127749፡ ዕ.ሰ.ቡ፡ 247

ተውዝዕ ጀራደት፡
ተለፎን፡ 200454

አትአመሮት፡
ተለፎን፡ 125013፡ ዕ.ሰ.ቡ፡ 1284



ምን ፊሪር እት መዓይር (ጊግ ክፈል)

አሕዛብ ስያሳቸው እብ መትእታይ እደይ ምን መትቀዳም ረአሰ ሐር ሐረግረገት። ሕዝብ ራብጠት እሰላሚየት ምን አፍዮሐት ዐግሎሁ፡ እብ ሞትለ ምን ዐባዩ ሚርሐተ ለዐለ እብ እሰትሽሃድ ዐብደል ቃድር ክቢሬ ትደምዐት፡፡ ላመ እቲ ብገሰ ለዐለ ዳይ ወጠን፡ ምን ኒውዮርክ እት መከረዩ ዋያራት አክተመ። ዐጂ ኤረትርየ ቅድየተ እት እደይ ክትል ወመናቢቶም እት ትግዢ ዐዳለት ፍርድ ሐግለት። ክል መዋጥን እብ ጽምእ ሕርየት ልቡ ነደ። “አይ! ረቢ ወዴት እት ለሓለት ለሁ፡ ለሃመ ፊጅር ፊጅር ሰኒ መክረህት እት እንተ አጸብሐት እቲ ለሞዳይ! መአሰሰትለ አሕዛብ ልግበእ ወአባይ እኪተ፡ ለገብእ ልግበእ ፈታይ ወአያይ እትለ ሞዳይ ለትወለደ ለፊጅር ለሀ ምን ልቡ ብካይ ግብእ በኩ፡ አቤ! እግላመ ምንዲ ወዴ በዐል ገዱ ወሓይሰ ገቢሉ እብ እዴ ሰብ ክይነት ትቀተለ፡ ምን ልቡ መንዲመ በኪ እት ረሓብ ልቡ አኮን ትደምዐ! ለአምዕል ለሀ ገዱ ክሉ ኤረትርየይ በርሰሰ ወትደበክ፡ ፈርህት ዔረት ወደሐን ሰኪት አትደለት ወኢትረኤት፡፡ ደለ እግሉ አቅመትክ ህዩ፡ “ደሐንቱ ለእግሉ ዋድያም ህሉኩም አላፍ እደይ ህለ እግሉ ለእብ ግብኡ ኢሰክብ። መሰሌኩም ከእብ ምን ሰብ ገዱን ሐሬክም። መርባት ዐብደል ቃድር እብ ሕነ እንፈትየ ወእንቲም ለትአብወ እግል ትትፈዱ” ልብሎ ክምሰል ዐለው እት ወቅት ለህይ ሸዕር ኤረትርየይ መዋጥን ለቀርእ ክምሰል ወሬሕ ዐሰር ራቤዕ ዳምቅ ወባይን እግሉ ዐለ። ፈርህት ወርዕብ ህዩ፡ አየ ገይሰ!? ክሉ ሸኩኩ እት አሕድ ክምሰል ገብእ አባይ እግል ገሌ ክፈል ገቢልን አቅረቦ ወእግል ሰራ ክምሰል ጋናሁ እብ ሸንርቡ ወግብእ አትራዩመዩ። ሰር ህቲ በርእ ወሐሁ ቅብላቲ በርእ እት እንቲ እቲ ደመሰ። ሰርመ እግል ክይነቲ ልገላብብ ሰሓቅ ዐደድ ግሬዕ ትሰሐቀ። ለትገብእ ወእተ ገቢይሉ አማን ምስዳር ለኢተትዕሰ እግል ልንሰእ ልቡ አክል አሕድ እንዴ አንተብሀ ከበዐል አማን ፈሞን ወፈረገ። ለውዳየም ላኪን ምን ልብ ዎርት ኢበደ ወኢትሐብዐ።

አሕዛብ ስያሳት ምን ሄራር እት ሸሐግ አቅበለዩ። እብ ፍንጅይ ሕዝብ ራብጠት ሰኪን ወረዋገት ትፈንጅቲ። መሐበር ፍቲ ወጠን እግል አልትፈንጠር አፍረህ። ስያሳት

ወላድ ጋን አድሐ ጸዐደ እት ሻሬዕ ኮምብሽታቶ እብ ገናዳል ክምሰል ምራደ አደርኬት። ፈርህት ወረብሸት ክይነት ወዋልመት ምስል ወላድ ወላድ እት ዐጂ ኤረትርየ ሰክነት ወትሸዩመት። ፍርት ምን ምውዳለ ደዔሪት፡፡ ወዳይራት እት ክሌብ ይአጽብሐት። ሰኪብ ወቅሱን ለዐለ ገዱ እብ ግብእ ተወነ ወትወርበብ። ፈርህት እት ወክድ ለሀይ! አይወ። እት መክራህ እግን። እት ወቅት አባይ ወፈታይ ዐለ እቲ መጦር በዐል ጋን መብድያይ፡ እሊ እቲ እነብር ለህለነ ኮን አማን ወሰላም ክምሰል ኢለአምረን ስር ወሰራራት ባትካት እት እንተን ክምሰል በዲር ክሉቃት ይዐለየ ሒዝያየን ደሚሩ ኢሰክብ ወምን ሓዚህን ክልኤ እግሩ ይአትዐረፈ።

አቤ! ሰኒን ሰኒትክ ሰኒት ደረከተ። ሸቀላት ገቢልን ፈጅርክ ፈጅር ካራት ትዐርፊተ። ቀለበትክ እት ረአሰ ነሲበት ትወሰከት። ሰኒት 1958 ምን ፈጅረ ገዱ ቅሙድ እት እንቲ እብ አድኖናይ አትጃፈረት ወአጸብሐት እቲ ለጋምል ሞዳይ አበው ወአቦታት። ለገብእ መዋጥን እብ ደሚር ርቡሽ ወገድ ባትክ ሰአየት አትቃመተዩ። አይወ! ግንሐት ሀማት ወሸቀላት ለምን ጽላሉ እግል ኢልፍገር አክይ ፍርድ ለፈርህ፡ ወምን ፈርህቲ ለኢፈግረ። ገዱ ቅርጡን ወነወየ እት ምሕግጠ ባጽሐት።

ላመ መንዲራት እት መንዝል ሕሽመተ እት ተአንበልብል፡ እግል ሳቅለ ለዐለ ገቢል” አብሸር! አብሸር! አቤ! እት ሐንቲቱ አጽልል። ወእግል ሕገይ ምስል ገንድል። አነ አሰክ ህሌኮ አንበልብል፡ እንታመ ሚ ህለ ገብእ እግልክ ለልአደንን። አነ ለዐል እት ሰመ፡ ወእንት ተሐት ሓፍዝ እቲ እሊ ምድር። ሸኒዕ በል አድረዋሬ ወአድረዋክክ እብ ግንደሌ፡ ሚልካይ በዐል ወጠንተ ወሰያደት እብ አነ ርፍዕት እት ቀዐረት እግልክ አጸልል። እንተ ትሸንን ወትገንድል ለእብ ራዮቹ ወረአዮቹ ትሸንን። ላኪን ሐቆ አነ ይህሌኮ፡ እት መስከብይ እንታመ ፋርህ እንተ እት ሐን ሚ እግል ተአጽልል። ስያደት ይህሌት ወእራደት ምድር ሐቆ እብ ወላድ ጋን ትከየደት ወሐረት ሸፍርክ ትወረሰት” ትብሉ ለህሌት እት መስል እት ምቀደም መካትብ ሕኩመት ትረፍርፍ እቲ ለዐለት እግንቲ።

አይወ! ክሉ ወጠኒያይ ዕንታቲ ሸም እንዴ ኢለአብል አክለ ፈጅር ዎር አሰብሓተ አሰክ ለአትቃምት ዐለ። እብ ፈርህት ምን መትከራዩ ሰኪብ ወቅሳን አብ እግሉ። ገዱ እንዴ ቀርጠን እብ አሰፍ ለአትቃምተ ዐለ። አትቃምት ኢሰኪብ ደሚር እብ ቀልብ ሻንን ገቢል።

ለአባሪት እምብራጦሪት አቶብዩ እት ወቅት ለህይ ክሉ መዳሊት እግል ሸፍ ወዘልም እንዴ አትመመት እግል ኤረትርየ እት ሐንቲ ካፈተ እግል ትወደየ እብ ለእግል ትመልክ ቅድረት ዐሰከራት ትሐርካት ስያሲ ወዲብሉማሲ ትወዴ እቲ ለዐለት እግን ጽልመት ወዘም ቲ ለዐለ። እብ ደሚር ሓሰድ ክይራት ወፈርዶት ኤረትርየ እት ዕንታቲም ለሬመ እግሎም ሕካም አቶብዩ፡ 24/12/1958 ለእት ምቀደም ቀዐረት ኤረትርየ ትረፍርፍ ለዐለት ራዮት ሕሽመት ወሰያደት በንዲራት እምበል ምራድ ወላድ ርሕመ ምን ምስቃለ ለትከራት እት ዕለት



ሕሽመትኪ ክምሰል ተንበልቢል ወ’ለ! እግል ንሰቀልኪ! አቤ! እብ ሚረፍ ሕዘ! እብ ዐውል ቃለ! አርወሐት ደም ወእንግዮ! ትሸንገህ ሕረይ ምን ሕሩዳም ተምነይ! ተሐት በርክ ደረይ ወሰምሀር፡ ወለዐል ክበሰ ፍገሪ ወረወሪት። እመኒን እት ጀላብኪ ምን ክል ሸንጎትን እግል ንትፈንጅ። ወዘሕረትን ንፍቲ ወንውዱ!” እት ልብሎ አማነት ወኤማን እንዴ ትዐንደቀው ተወው እብ ድንጋጽ

ወቀለ አሰክ ክበር እኪን ጸምም አሰአለ። ነወያሁ ላኪን ነወየ ሐሰት አኮን ለዐለት። ነወየ በዐል አማን ለአማነቲ ኢጠልም ወኢክይን መንደላይ ለህይ ዘመን ወሰኒን። ሰኒት 1960 ሸዕብ ኤረትርየ መሐጽ ትሩድ ሐላፊ። ገሌ ለጅኡ፡ ወሰር ትሸዐተ። ለአራመ ወለ አቅረብ እግል ሓዚ ሕርየት ዐርገ ወትከረ። ሰኪል ወአውለት እግል ሐቲ ትፍራሪት መዳሰ ሕኢን ትጋሪ!! እት ምድን ወብሩር ትሐርካት ፈዳብ ገብኡ። ደረሳይ ምን ድራራቱ መርበይ ኤታት ቀየረ። ሐረሰታይ አብዕረቲ ቁሩን እት እንቲ ከላሺን ሞት ወቅታል ትዐንደቀ፡ ክእግል ሬሸኖት ቃብል ፈገረ። ርዕያይ ሞረ ርዕዮ እብ መንዱቅ ድሬዕ ወጠን በደለ። ዳርሰ ወኢዳርሰ እት ዎር ረአይ ዎዎርት ህደፍ ትዋፈቀ። ገሌ ትድረ ወሰር አቅሎ። ሰር ሐዋሪ ወገሌመ ህንደገት ልቡ እብ ፈርህት ህንዳጌህ ምን ረዩም ትሰምዐ። ክሉ አንሰ ወትብዐት እት ዎርት ምሕል ምስል እብ ሕበር ዎርት ምዕዋን ወርድ። ሸዕብ ነወያሁ እግል ልርኩብ አሰክ በርክ ምትሐቲክ ደረ። እት ሰሳታት ክሉ ሕቁቅ ሸዐብ ምን ቅርዱ የብሰ ወትከረ። ላኪን እግል ረኪብ ምራዱ እግል ክል ስድት ሐቲ ወደ እንዳቆሁ፡ ክምሀርቲ ሸብ ተዐንደቀ። ግድለ ዐለት ንዌቲ፡ ምንቲ ገብእ በዐል ሐቅ ለእት መቀደም ገቢል እብ ሰምጡ ወእብ ረሓብ ልቡ ሐቆ ሰራብ እት እንቲ እብ ዕንቅራራ እት ሰልፍ ትብገሊቲ እብ ህኩት ትሳህ ወሰክበ።

መዋመጦር መትዳላይ ገቢልን እግል ግድለ አባይመ እግል ዘማቲ ወሸፍ ጅራዱ ሰሐለ ወጄሹ ሰልሐ። እለ ዐድን ኤረትርየ ክምሰል መራት ማይ ጀዋሲስ እት ከብደ ላሊ ወአምዐል ሐምሰስት እት። “ረቢ አርኤን ወአሰምዒን ሸሃደት ክልኤ ዕነ ወእዝናተ” ልብሎ ሸባባተ ለወቅት ለህይ። እግል ሐርብለ መሳልም ገቢል አደርብ ሐኢን ምን ረዩም ወቅሩብ አሰክ ዐድን ኤረትርየ እብ ላሊ ወአምዕል ትጎረተ ወትገዘክ። ገሌ ፈርሐ ወአትደፋረሰ ወሰርመ ቤን እለ ወሌሀ ተቀም እትልብል ብዋረት መውሀም በዋረ። እሳት ሐቆ ልዴት ላኪን እግል አቅረሐየ ወለ እግል በዳሁ እንዴ ትብሀለት ለቀርሐት አክል አሕድ እዲህ አብረደት እቶም።

ተተላላ



ጸላም እት እንተ እት ስጅል ትእርክ እንዴ ትሰጀለት ሐልፈት። ፍርድ ዕጡጡት ወዘልም! ፍርድ ክይነት ወዋይዲብ እብ ኢተአሰትህል! ህላግ እት አዳም ወንዎይ። ህላግ እት ማል ወመምተላካት ኢመስኩብት እት ንእሽ ወዐባይ። ክሉ መሲሩ ለአቅዌት መክረህት ዕለት ተ ለዐለት። ምን ሸኒን እብ ስያደት እሰኢን ሐዲን ለጋሬት ዕለት መክረህት። ክሉ እብ ፈርህት ገርቡ አርዐደ ወሐንገሉ እብ ሕሳባት ትብጭበጩ። ሞዳይ ክሉ እብ ክል አርካት ክምሰል ማይ ካሬት ትሐምረገ። አምር እብ ሀማት ወሸቀላት እንዴ አቅረብ ወአሬመ እብ ፍክሩ መልዶ ሕሳባት ረፍዐ ወከረ በለሰ ወደርገገ ፈትሐ ወአሰረ። ጎማቲ ትቀዌት እቲ ምንዲመ ዐርገ ወትከረ። እብ ምራዱ ወነወያሁ ላኪን “አብሸክኪ እንቲመ ወቅት ለሪም ወልሐጫር እንቲ እት መስከብ

እንዴ ኢወዱ እግል ወቀይ ምን ልቦም ትብገሰው እግለ። ለመሰር ላኪን እምበል ሸክ ቅወይ የዐለ! ዐውል አላፍ ሹሀደ ልትጸበር ክምሰል ዐላመ እመር ቲ ለዐለ። አይወ! ለቃለ ዐውል ደፍዑ ለዐበ ሚዛኑ እብ ክልኤ እዴ እት ሸባባተለ ወቅት ለህይ ዘይድ ምንመ ዐለ። ሐቆ ወቅት ላኪን እግል መስኩልየት ራፍዕ ለዐለ። ወእተ ወቅት ለህይ እት ሕቅፍ እመ ጠቤ ለዐለ። ወእተ ወቅት ለህይ ለተሐነን እት ደንገበ ሐቲ ገብእ ጸርም። ሰር እግል ሓዚ ሕርየት ከደን ሰክክ። ገሌ እት አብያት ሐብስ ወመአሰር ሰኒን ትዐዘበ ወትቀየደ። ክሉ ለሰክበ ወለ ፈዝዐ እብ መንዲራት ሀትፈ! እግል ፈታይ እብ በሰር አፍሀመ። ወእግል አባይ እብ እግሉ ተአሰምዕ ለቤለየ (ለትዘመተት ሰያደትክ እብ ቅልጭምክ ብለሱ) ክርንቲ እንዴ



ድን ቅርረ ማላ ወጥም ጌጃ ወጥቆ ደንበኛ ገዢዎች

ዲበ ሐልፊው ክልላት ክፋል፣ ሽዑብ ቅርረ ዲብ ብቅት ውሒዝ ኩሩይ ክምሳል ሆኖ፣ ዲበ ሐልፊ ወሬሕ ዲበ ድን ዲበ በጽሐኑ እቱ ወክድ እሊ እብ ሽዑብ ቃንጽ ለዐለ ሰላላት እበ ምር እንክር ወእበ ካልእ ሆይ፣ ድን ቅርረ ምን እለ ዲብ ረአሱ ተሆንጦሞል ለህሌት ብቅት እብ ከአፎ እግል ልሰለም ክምሳል ቀድር፣ እብ ጀህት ሕኩሙት ሚ ልትሐሰብ ክም ህለ ውብዕድ ለከሰሱ፣ ምን ክርን ገቢል መለህይነ ሙሰ መሐመድ አድም እብ ተለፎን ምሳል ሓክመትላ አቅሊም አሰይደ አሰመረት አብረህ ለወደዩ መቃብላት፣ እለ ተ'ሌ ተ።



አሰይደ አሰመረት አብርሀ

አሰይደ አሰመረት፣ እዳረት አቅሊም እለ እግል ሰካን ዳሕየት ቅርረ ሱድፍት ለህሌት ብቅት ውሒዝ እግል ሽኩት ወደሐን መሞሞን እግል አከዶት ለኤተነቱ በርናምጅ ሚህለ? በሊሱ-

“ለበርናምጅ ክቡድ ወፋዬሕ ተ። መሓዝ ቅርረ ምን መሓዛት ብዙሕ እንዴ ተአካካባቱ እብ ቅርረ ለሐሐልፍ፣ እሊ ህይ ከባደትለ ሽቅል ለለአርኤ፣ እሊ ምን መሓዛት ብዙሕ ለልትአካካብ መሓዝ፣ ሽዑብ እብ ነሐሩ እንዴ ክርዐዩ ዲብ መንፈዐቱ እግል ለአውዕሉ ክም ኢቀድር እሙር ተ። ርዝቅ ማይነ ወትርበትነ ህይ እብ ውሒዝ እንዴ ልትገሌ ወምድር እንዴ ልትሸርሸር ገይሰ ክም ህላሙ፣ ዲበ ለወዳኖህ ወእንወድዩ ለህሌነ ሕፍዝ እኩዳሙ ህሌነ፣ እኪ እትሊ ወቅት ጎኑ፣ እሊ ለእምቤሉ መሓዛት ዲብ ሕድ እንዴ ኢልትሓበር ውብቅት እንዴ ኢሰብብ፣ ክል መሓዝነ በይኑ ከአፎ ክም ልትከረዕ ወነአሸክፋ ድራሰት ለትወዴ ልጅነት ልእካም ህሌነ።

ከሬዕ ሌጠ እንዴ ኢገብእ፣ እብ ከአፎቱለ ዲብ ምድር ሐርሰ እንዴ ትነፈሪናቡ ዲብ ሰማር ነአውዕሉ፣ ከእሊ መሓዛት እሊ ሰግምት ወመሸከፍ ውሓዘይ እንዴ ትሸቀ እግሉ፣ እብ ከአፎ ለሰብበ ህለ ብቅት ነአቀልል ወዲብ መንፈሪት ክም ነአውዕሉ ድራሰት ሳፍየት ለለአትሐዝዩ ጋርቱ፣ ሐል እግል ለአምጽእ ለቀድር ሽቅል ድቁብ፣ ምን ዐድ ወለዐል ዲብ ሕግሰለ አድብር እተ ለህለ ባካት እብ ከአፎ ነአሸክፋ ወእንከርዐቱ ለዐበ ሀደፍነ፣ እሊ ሽቅል እሊ እግል ልትሸቀ ህይ ማሸነጎ ክም፣

ዶዘራት፣ ግሬደራት ውብዕድ መትሸቀዩ ሰባይ ወመቅደረት አዳም ለአትሐዘ። የምክን አሰክ ሐል መጽእሙ፣ በደል ዶዘራት ወግሬደራት ንትጸበር፣ እብ በዳይል ውቱርያት እንዴ እንሸቀ ለብቅት እግል ነአቅልል ክም እንቀድር ክም ተጃርብ ሽዑብ ኤረትርዩ ሸቀናቡ ወእንሸቀ እቡ ለህሌ በሰር ደማነት እት ኖሰቱ።

ጠቢባት መንበረትለ ሽዑብ ክምሳል ኩሉ ለአምራ፣ ምን ኤረትርዩ ሸንካት ሶዳን ወምን ሶዳን ጀህት ኤረትርዩ እንዴ ሰብክ ወሳግም ለነብር ሽዑብቱ። ከእሊ ሽዑብ እሊ ምን እለ መንበረት እለ እግል ለአባሬ በራምጅ ሰማር ብዙሕ ኢቱን እሉ ህለ። ለዐድ ለትፈይሕ፣ ለትሐድር ወለትትዐመር እቡ መሻሬዕ ሰማር ህለ እግል። ምናተ ለሽቅል ቀሊል ኢትን። ለበሐሰ ለትወዴ ልጅነት ሽቅል ሰማር ወመንገፎ ሽዑብ፣ እትለን አምዳላት እለን ናይ ከረ አደብሐ ድራሳተ እንዴ አትመመት፣ አሰክ ምዳርየት ቅርረ ወእብ ፍንቱይ እዳረት ደሞይሕ ቅርረ እትጅህት ህሌት። ለሽዑብ ሐምዴ ለተአሰትህሉ ሽዑብቱ። ቀደም እለ ዲበ ምዳርየት ዝያረት ዋድየት ዐልኩ። እተ ወቅት ለህይ፣ ለሕዳድ ክልኤ ለዳለት ለፈንቱ አሻይር እብሊ ልትበህል ለህለ ውሒዝ ሰበት ትገላ። “ለአሻይርለ ሕዳድ እግል ኢልብዴ” እንዴ ቤለው ዕጩይ ሲሰማን እንዴ ሽትሉ ዲቡ ጸንሐውነ። እብሊ ህቶም እብ አዳምም ወማሎም ዲብ ብቅት ክፋያም እንዴ እንቶም፣እብሊ ህይ እግል ደሐን አሻይር ወዐላይም ሕዳድ እብ ወጠኖም ወምድርም ለሐሰቦ። አማንተ፣ ዕጩይ ሲሰማን ምን ውሒዝ ዳሬዕ ላኪን፣ ለውሒዝ ክም መጽእ እንዴ ኢገብእ፣ እንዴ ኢመጽእ እግል ልትሸተል ወልብቀልበ። እንዴ ኢበቅል ውሒዝ ዔረ እቱ ምን ገብእ ላኪን፣ ለውሒዝ እንዴ ገለዩ በሐር ለአትዩ። እብ ዐበሁ ህይ፣ እለ ለትሸርሐት ብቅት ውሒዝ ሰካን ቅርረ ሐል አሳሲ እግል ትርኩብ እንዴ እምቤ፣ እምበል ዕርፍ ድራሳት እንወዴ ህሌነ”።

አሰይደ አሰመረት፣ እሊ ሽቅል ዲብ ፍዕል እግል ልተርጀም፣ መትሸቀት ወሰብ ሸርኩት እዳረት አቅሊም ምንቶም እግል ኒበል እንቀድር? በሊሱ። “ለሽቅል ዲብ አቅሊም፣



PHOTOGRAPHY BRANCH ERITREA-MOZ

እተይ ሐርሰ እግል ልዕቤ፣ ደማነት ነብረ እግል ትትአከድ፣ ርዝቅ ማይ ወደሐን መጅተመዕ እግል አከዶት፣ ሕኩሙት ሕሰር ውቁል እንዴ ሀበቱ ብግሰት እቱ ለህሌት በርናምጅ ሰማርቱ። ክም ጠቢባት ሽቅልም በንበን እንዴ ኢገብእ፣ ሽዑብ፣ እዳረት ምዳርየት፣ እዳረት አቅሊም፣ መአሰሳት ወሸርካት ብናእ ወሰማር ወጠን፣ ወኩሉም ለከሰሶም ጀህት ሕኩሙት ምሳልቱ ለልትሸቀ። እግልሚ፣ ለአሸከፎት ውሓይዝ ሌጠ እንዴ ኢገብእ፣ ምሳል ለገይሰ ብናእ መአሰሳት ሰማር ማይ፣ መሻሬሕ ሐርሰ፣ ለሽቅል ለልትሸቀቡ አግቡይ መሞሰላት፣ ከምክሞት ሰካን፣ ሽዑብ ለለሐድር ወለለዐምር ዲቡ አካናት ፈረጎት ወአመርት ለአትሐዘ። ሰበት እሊ ሽዑብነ ወሕኩሙት ምሳል እንሸቀ ጸንሐነ ወእትሊ ሽቅል እሊመ እተ ክምሳሌህ። ለሽቅል ዐቢቱ ወምሳል ዕቢናሁ ለልትመግወር ሕሰር እንዴ ተሆየቦዩ ልትሸቀ ዲቡ ህለ። ከሕነ ምን ሕኩሙትናቱ ለንትጸበር። ሰቅራትነ ደማነት እት ርሕነ ሰበትተ። ሙብዳእናመ ደማነት ዲብ ርሕነ ሌጣቱ።



ለሽዑብ እግል ኖሱ ዲበ ሽቅል እንዴ ተአሻርኩ፣ እሊ ብቅት አዳም፣ ማል ወመምተለካት ካልቅ ለህለ ውሓይዝ ዲብ መንፈሪት እግል ነአውዕሉ፣ እብ ሕኩሙት ወእዳረት አቅሊም ለትኤተነ በራምጅ ርሐብ ህለ። እበ ሳድፈነ ለጸንሐ ዐዳሞት ዲብ መዳሪዕት ሰያደት ወጠን ርኩዛም ጸንሐነ። ለሽቅል ሰማር ገሌ ሐድ ምኑ

ዲብ ለትፈናተ አርካን እለ ወጠን ልትሸቀ ምንመ ጸንሐ ወሀሌ፣ ክምሳል ልትሐዘ ሸቄነ ወአድመዐነ እግል ኒበል ዶእንቀድር። ከለ ሽቅል ለተአከብድ ሚተ እምቤ ምን ገብእ፣ እብሊ ለእምቤሉ አሰባብ፣ እሊ ባካት እሊ ለሽቅል ሰማር ወመንገፎ እምቡት ዲቡ ሰበት ኢጸንሓቱ። እሊ ህይ፣ እግል መሕገዝ ወለብቅት ዝያደት ወሰከዩ። ከእሊ ዲብ ሕሳብ እንዴ አቱት ሕኩሙት ኤረትርዩ ዲብ እሊ ሽቅል እሊ እህትማም ፍንቱይ እንዴ ወዳት ብግሰት ህሌት። ለብጉሰ ለህለ በሐሰ ክም አትመም፣ እብ ከአፎ ዲብ ፍዕል ክም ነአውዕሉ እግል ንርኤቱ። ለእንወድዩ ለጸንሐነ ድራሳት ህይ፣ ዲብ ደንገላህ ባጽሕ ህለ። ለተርፈነ ዲብ ፈንገላየት ሽቅል ሰማር ወመንገፎ መትብጋሰ ሌጣ ቱ። እምቡታም ህሌነ ወእግል ነአተላላቱ” ትብል።

ሰኣል፣ አሰይደ አሰመራ ዲብ ደንገቤ እብ ክሰሳለ ዲብ ሰካን ቅርረ ጃርየት ለህሌት ብቅት ውሒዝ ሙዲር ምዳርየት ቅርራ “ሽዑብ ምን እለ ብቅት እለ እግል ልድሐን እብ ጨበል ወዕጩይ ለልትከረዕ ውሒዝ ሰበት ኢትን

ምግግዝ ሐል ኢትን” ለልብል ረአይ የም። ከእትለ ጋሪት እለ ረአይ እዳረት አቅሊም ሚቱ እብ ህግዩ ሐግር ሰካን ቅርረ ምግግዝ ጋንሐቶም ህሌት ወለመሕደር?

በሊሱ። “እተ ምግግዝ ለትትበህል፣ እሊ ቀራር እዳረት አቅሊም እንዴ ኢገብእ፣ እዳረት ምዳርየት ወሸዐብ አርቶምክ ረአዩም ሸርሐው እግልኩም ገብእ። እሊ ትብሉ ለህሌክ ህይ ረአዩም። ምናተ እብ ረአይነ ሌጠ እግል ንትሃጌ አለብኩ። “ሽዑብ ቀደም እለ ለትበነ መአሰሳቱ እንዴ ሐድጎ ዲብ አካን ብዕደት ልግዐዝ!” ለልብል መምሬሕ እዳረት አቅሊም አለብ። የምክን እተ አግዳምለ መሓዝ ለህለ ወአብያቱ እብ ዕሸሽ ሰዐር ወዕጩይ ለናድቅ ሽዑብ ምን ብቅት እግል ልድሐን፣ ዲብ አካናት ብዕድ እግል ተአንክሱ ትቀድር ድኢትን። ዐድ ሓድር አግዐዘት ዲብ ተፍኪር እዳረት አቅሊም ኢጸንሐ ወእግል ብቅት ለለአርሄ ሐል ኢትን። ለሐል ለልትበህል ምነ ዐድ አሸከፎትለ ውሒዝ ሌጣቱ ድኢትን። ሰካን ቅርረ ልግዐዝ እንዴ ትበህለ ለትሆየበ አማውር ኢህለ ወለልትሐሰብም ኢትን። እተ ባካት ዲበ ለእምቤሉ ዲቡ ወቅትም ምሳል ሰካን ወናይ ቅሩብ እዳራቶም ንትፋህም ወንትጋሚ። ምድርነ እንዴ ሐደግነ አሰክ አየ እግል ንግዐዝ? ለሐል ለአሳሲ ወለራቱዕ አግዐዘ ወቀየሮትለ ዐድ እንዴ ኢገብእ፣ ለዐድ ዲበ መሰከቡ ሓዳር እንዴ እንቱ፣ ለጃርየት ህሌት ብቅት፣ እብ ከአፎ ነአቀልለ ወነአርህዩ እንዴ እምቤቱ ነሐሰብ ለህሌነ። እለ ቅድየት ብቅት ሰካን ቅርረ እብ ውሒዝ ህይ፣ አውለውየት እንዴ ረተብናህ እንሸቀ ዲበ ህሌነ። ሀደፍነ ሽዑብ እንዴ ሐድራ፣ ወምን ብቅት እንዴ ትነጅ እግል ልብኔ ወለዐምርቱ። ምን እለ ወሐር ዲብ ፍዕል እግል ንኤቱ። ምናተ ሽዑብ እግል ልግዐዘቱ ለልብል መምሬሕ ኢትሆየበ ወለልትሐሰብም ኢትን። ወዲብ ደረጀት ምግግዝ ለተአበኔሕመ ሐቱ አለብ።”



መጅልሰ አምን ወለዛልም ቀራራቱ ድድ ኤረትርያ

እብ ዶ/ር አሕመድ ሐሰን ድሕሊ

17ኛ ክፍል

14. ኩሮኤሽ

ኩሮኤሽ እግል ቀራር 1907-2009 ለተአይድ ክርን ሀበት። ምናተ ወኪል ደውለት ዲብ መዝመት ምጅልሰ ቅራን ሰፊር ራንኮ ፊሎርሽ ሸሬሕ ኢሀበ። እበአማን ህዩ ለቀራር መገገሱ። ጽበጡ ወለሰብቡ ኢፋሎታይት ፍገራት ከአፎ ክምሰል ገብእ አትመሳግሰ ለላትሐዘዩ ደባለ። ለቀራር ዲብ ቃኑናይ ቲላል ለተአሰሰ ክምሰል ደባለ። እብ ቃብሉ ህዩ ዲብ ምራድ ናይላ እተ ወክድ ለሀይ ለባላት እዳረት አሜሪካ ለተአሰሰ ክምሰል ዐለ ወኪል ኩሮኤሽ ሰኒ ወአማን ለአምር ዐለ። ሰበት እሊቱ ህዩ ትም ለሐራት። ገሌ አዳምመ “ትም ብሂል ደሀብ ቱ” ቶም ለልብሎ። ዲብ እሊ እግል ልትአመር ለቡ። ነፈር ምጅልሰ አምን። እብ አሳሰ ሚሳቅ መዝመት ምጅልሰ ቅራን ለተሀየባዩን ወቀይ እግል ልሰርግላ ታሪካይ። ሰያሲያይ ወቃኑናይ እክላቅያይመ መሰሉልየት ቦን። ሰበት እሊ ዲብ ረአሰለ ገብአት ትግበእ ነፈር ድወል ለይሓለፈያሁ ቀራር መኔዕ። ጠባይቡ እበ ኢከሰሰ ሰበብ ለህሌ እሉ አው ህዩ ክምሰል ምጅልሰ አምን ዲብ ረአሰ ኤረትርያ ለቀረረቱ ኢቃኑናይ ወአዳድል ልግበእ መሰሉልየት ለረፈዐ እቱ ቲልል ቱ። ሰበት እሊ ሕነ እግል ኩሮኤሽ ዝያደት መቅደረተ መሰሉልየት እግል ነርፈዐ ይሕነ። ሰበቡ ሩሰዩ። ፈረንሳ ወኮታሪካመ ክምሰል እግል መግግረ ሰበብ ለገብእ ሸሬሕ ሰበይ ደሀብያ ቱ። ዲብ እሊ ለልትረፈዕ ሰአል “አንፋር ድወል ምጅልሰ አምን እብ አሳሰ ሚሳቅ መዝመት ምጅልሰ ቅራን ምን ልውሕድ እድንያይ ዐድል። አምን ወሰላም እዲነ ናይ አድመኖት መሰሉልየት ሰበት ቦን። እግልሚ መሰሉልየት ምን ንሰአት ለሀርቦ?” ለልብል ቱ። መዝመት ምጅልሰ ቅራን አው ምጅልሰ አምን አማን እግል ትትመደድ እንዴ ቤለ ለሊሐብብ አው ለለአምን ነፈር ምን ኢሊህሌ። ዕቁዳት ሓልፈ። እግል መሰል ዲብ ቃኑን ለተአሰሰ ቀራራት ብዙሕ - እት ፍዕል እንዴ ኢልውዕል እንዴ ትረሰዐ ዲብ ሰጅል መዝመት ምጅልሰ ቅራን ሰገር ዋዲ ዐለ። እብ ቃብል እሊ ህዩ ኢዳድል ወአቃኑናይ ቀራራት ክምሰል በርቅ እግል ልሕለፍ ወእት ፍዕል እግል ልውዐል ወቅት ኢነሰአ። አንፋር ምጅልሰ አምን እብ ዐውል ፍቱሕ ወቃኑን እግል ፈዳልየት ኢአዳድል ቀራራት ልትባደር። እዲና። ለለአትፈክር ታሪካይ። ሰያሲያይ ወቃኑናይ ክምሰልሁመ

እክላቅያይ ጀራይም ለገብእ እቱ መጃል ተምሲል ቱ።

15. ኮሰታሪክ
 ወኪል ኮሰታሪክ ዲብ መዝመት ምጅልሰ ቅራን ሰፊር ጅርጅ አርቢ። እግል ቀራር ዕልብ 1907 -2009 አየደ። ክምሰል እሊ መግግር እግል ትንሰእ ለቀሰባዩ ሰበብ ሳኪን ኢትወደሐ። ክሉ ለእብ ሰበት ኩሮኤሽ። ሩሰዩ ወፈረንሳ ለትባህላ ህዩ እግል ኮሰታሪካመ ከሰሰ። እሰን ድወል እሰን ሕይት እብ አሳሰ ሚሳቅ መዝመት ምጅልሰ ቅራን ወመግድእ ምጅልሰ አምን መሰሉልየት ረፈዐ ትም ብሂል ሐረዩ። ዐድል እግል አብደዮት። ድድ ደሚርክ እብ ለገብአት ትግበእ ገባይ ትም እንዴ ትቤ ሐሊፍ ህዩ ለትመክረሃ ቱ።

ካልኣይ ምዕራፍ መሻክል ሶማል ወመግግር



ናይላ ወቀት ለሀይ አቶብዩ። አሜሪካ ወኪረትርያ

ዲብ ሐልፈ ቀዳማይ ክፋል። መገገሱ። ጽበጥ ወኸልፍየት ናይላ ምጅልሰ አምን ድድ ኤረትርያ ለሓለፈዩ ቀራር ዕልብ 1907 ወመግግር ዳይማት አንፋር ምጅልሰ አምን ለለአቀርባሁ አሰባብ ወበለሰ ረኤን። እንዴ አትሌነ ህዩ። እግል ትፈናተ አሰባብ ለመገገሱ መሻክል ሶማል እግል ንርኤ ቱ። መሻክል ሶማል እበ ገብእ ልግበእ ሸክል ፍንጌ “መትዐደይት ፈደራልየት ሕኩመት ሶማል” ሐረከት አሸባብ ወ“አልሙጃህዲን” ለገብእ ናይ ሰልጠት ጅግራተ እንዴ ትባህላት እግል ትሸረሕ ኢትቀድር። ክምሰል እሊ ኖዕ ላቱ ሸሬሕ እብ እሳት ወግርት ለላትሐዘ ኢዋይን እግል ልክለቅ። እግል ገሌ ዲብ ተትግቤ ቃኑንዩት እግል ሂበት

ወምን ገሌ እንዴ አምሸኸ እግል አብደዮትም ለአመ። ምን አማን ወሐቂቀት ለፊመ ረኸሰ አብሳር ቱ። ለእግል ገገይ ዐገሎም ኢበሪክን ለኢልትከበተ ድወል ህዩ ልትዐዳወወን ወጃዙወን። እሊ አግቡይ እሊ ሳኪን እግል መሻክል ሶማል ለሊሐባልክ ለሰብብ ዲኦኢኮን ሐል ለለአመጽኦ ኢኮን።

“ሰላም ወዕሪት ሶማል ወመሰከብት መንጠቀት እግል አትዐናቃፍ ሐሽመት ሰያሲያይ። ማልያይ ወሎጂሳቲክያይ ሰዳይት ተህይብ ህሌት” ለልብል ናይ ሐሰት ሸክወት እንዴ ሀረሰክ እብ እዳረት አሜሪካ ወምጅልሰ አምን ዲብ ረአሰ ኤረትርያ ቀራር መኔዕ ክምሰል ሐልፈ ዲብ ቀዳማይ ክፋል ርኤን። እግል ሰኒ ለተሐባለክ መሻክል ሶማል እግል አምሸኸት። ሰርም ርኤይ ሰርም ህዩ ክምሰል ናይ ሰገን ለትዕየተ ሰያሲያይት እግል ልተባዩ። ሰር ህዩ ካርት አሜሪካ እግል ረኪብ

ህዩ ሶማል አድሐኖት ወሰያደት ምድረ ወውሕደተ እግል ሕፍዘት ለአመ። ሰያሲያይ ኤረትርያ እግል ነቅርብ ቱ።

መሻክል ሶማል ወአሰባብ
 አሰልፍ መሻክል ሶማል ወአሰባብ እብ ተፋሲል እግል ነቅርቡ ክምሰል ኢኮን። እግል ቁርኣይ እግል ነትፋቅድ እንፈቱ። እግል ዲብ ኖሰኖሱ አሳሰያይት ወትርደት ዕላቀት ለቡ እግል ልትፈናቱ ለኢቀድር ታሪካይ። ሰያሲያይ። መሕበራይ ወእቀትሳድያይ አሸናኩ እግል ንርኤቱ።

አሳሰ መሻክል
 ክምሰል ልትአመር ሕዳድ ድወል አፍሪቀ። ዲብ ሙእተመር በርሊን 1884-1885 እበ ገብአት እትፋቅየት ምን እስትዕማር አርባቱ ለትወረሰ። ሕዳድ ድወል መንጠቀት ቀር አፍሪቀ እብ አሳሰ ለባላ ሚሃን ሐሊት ፍንጌ

ናይ ኬንዩ ቅብለታይ ሕዳድ) መሰተዕምረት አንዝመት ብሪጣንዩ ወኢጣልዩ ምን ቅብለታይ ወግብለታይ ሶማል ክምሰል ፈግረው። እሰን ክልኤ ከፈፍል ዲብ ዮም ሐቲ ጃላይ 1960 ክምሰል ትከምከመው ሕርየት ሶማል ተአወጀት። ለዲብ ሐምሰ መናጥቅ ለትካፈለት ሶማል ዐባይ እግል ብንዩት ለአመመ መሰርዕ ህዩ ተአምበተ። ዲብ ምግብ ሐምሰ ረአሰ ለቡ ኮከብ ለብእተ መንዴረት ሶማል። እግል ሐምሰ መናጥቅ ሶማል ለተሐብር እሻረት ከምከሞተ ህዩ። ሶማልዩን ክምሰልሁመ እግል ትከሰረ መናጥቅ እብ ትሉሉይ ክምሰል ጠሉብንቱ ለለአክድ። ዲብ ሰነት 1961 ለፈግረ ደሰቱር ሶማል ህዩ። ሕኩመት ሶማል። እግል ምድር ሶማል ዲብ ሕድ እግል ሓበርት እብ ቃኑናይ ወእብ ሰላም አግቡይ ክምሰል ሸቁቱ ለለአክድ። ምድር ሶማል (ሶማሊ ላንድ) ዲብ ማዮ 1991 ናይ በይን ምሰዳር እንዴ ከሰአት ሕርየተ ምንመ አወጀት። ዲብ ምግብ መንዴረት ሶማል ለህሌት እሻረየ ሳኪን እት አካነ ህሌት። ለዲብ አጎሰት 1998 ሕክም ዛቲ ለአወጀት ፑንት ላንዲመ እግል መንዴረት ሶማል ኢፈግረት ምን። እሊ ህዩ ሶማልዩን ወለ ዲብ ኖሰኖሶም ምን ልትፈናተው ወልትበአሶ። ‘ሕልም ሶማል ዐባይ’ ክምሰል ቦም ለለአፍህምቱ። ለዲብ ጃን 1977 ምን ሕኩመት ፈረንሳ ሕርየተ ለአወጀት ሶማል ፈረንሳ በህለት ጅቡቲመ ምን እላ አማን እላ ለትፈግር ኢኮን።

እላ ደውለት እላመ (ጅቡቲ) መንዴረት ዲብ ምግብ ኮከብ ህላ እተ። ርኢሰ ጅቡቲ ለባላ ሐሰን ጉሌድ አብቲዶን እግል ኖሱ ሶማልያይ ክምሰልቱ ልትአመር። ግራሁ ለመጽኦ ርኢሰ እሰማዲል ዐመር ገሌመ ዲብ 28 ፌብሩዋሪ 2010 ሶማልያይ ጅቡቲ ክምሰልቱ ሸርሐ። ሶማል ፈኢንሰ (ጅቡቲ) ሕርየተ እግል ትርኩብ እት ህሌት እግል ደውለት ሶማል መሻክል ትከልቅ ደባለት። ሰበቡ ሕርየት ጅቡቲ ምን እስትዕማር ፈገገ እግል ኖሱ እግል ትፈናተ መናጥቅ “ሶማል ዐባይ” እግል ከምከሞት ክምሰል ሐቲ ምሰዳር ገጽ ቀደም ትትነሰእ ሰበት ዐለት ቱ። ምናተ ሰብ ሰልጠት ሶማል እግል ዲብ ሰነት 1954 ብሪጣንዩ ዲብ አቶብዩ ለሓበረተ መንጠቀት ኡጋዳን ውዲብ ወክድ ሕርየት ኬንዩ 12 ዲሰምበር 1963 ዲብ ኬንዩ ለሓበረተ መንጠቀት ቅብለታይ ሕዳድ (እነግድ) እግል ትሰአል እቡ ክምሰል አሰብዳት። መሻክል ሳይፈዩ። እሊ ህዩ ሐቲ ናይ ብሪጣንዩ ልጅነት ዲብ ዲሰምበር 1962 ዲብ አቅረቡቱ ተቅሪር እክድቱ ዐለት። 81

ደሐኖም ደሐን ክልን



ሰወር፡ አቤል በረኸት

እስብዳልየት ዐድተክሌዛን

ለሐላፊነት ሳምንት ሰነድ የሚሰጥ አርብዲትን ጀራይድ ኤረትሮፕ እት ምዴርያት ሎጎ-ዐንሰብ፡ ዐድተክሌዛን፡ ዔለበርዕድ ወገላብ፡ ሓሳት ክዳማት እጅግሳይት እትላ. አምዳር እግል ልድለው ሱፋራም ዐለው። ምን ብዛሕ ክዳማት ምር ወበቢ ናይ ዓፍየት ቱ። ለገብአ መዋዋን እተ ሀለ ምን ለሀሌ ምን እለ ክድመት እለ እግል ኢልትረፍ ህዩ ሽዑብ ምንገብእ ወሕኩመት ሕበር ልትጸገም ሀለው። ፊደል እለ ጸገም ትሩድ ህዩ እትለን እድወራመን ለሀሌን 33 ሰነት ሕርየት፡ ሞት አጀኒት 153 ምን ምር አልፍ እብ ሕያዮም ለትወለደው በጽሕ ለዐለ ዲብ 37 ምን አልፍ ክሩይ ህለ። 98 ምእታይት ምን አጀኒት ክታብት ረክብ ህለ። 83.7 ምን ወላድያት እማት እት ሕንቴ ሐኪም ወልደ ህለዩ። መአሰሳት ዓፍየት 97 ለጸንሐዩ ዮም 347 ባጽሓት ህለዩ። እብ ዓመት 75 ምእታይት ምን ሽዑብ ሐምስ ኪሎሜተር እንዴ ጌሰ ክድመት እግል ልርኩብ ቃድር ህለ። ምን ግድለ እግል ወጀዶት ወአሰራዮት ዓፍየት ላኪን ዕርፍ ኢህሌት። አሰክ እለ ገበይ ረም እንዴ ካተረ ለልትሐክም ሽዑብ ብኸ። ህቱመ ክም አመቱ ምን ቅሩብ ክድመት እግል ልርኩብ ልትሸፍ ወልትባሰር ህለ።

ለሐላፊነት ሳምንት ሰነድ የሚሰጥ አርብዲትን ጀራይድ ኤረትሮፕ እት ምዴርያት ሎጎ-ዐንሰብ፡ ዐድተክሌዛን፡ ዔለበርዕድ ወገላብ፡ ሓሳት ክዳማት እጅግሳይት እትላ. አምዳር እግል ልድለው ሱፋራም ዐለው። ምን ብዛሕ ክዳማት ምር ወበቢ ናይ ዓፍየት ቱ። ለገብአ መዋዋን እተ ሀለ ምን ለሀሌ ምን እለ ክድመት እለ እግል ኢልትረፍ ህዩ ሽዑብ ምንገብእ ወሕኩመት ሕበር ልትጸገም ሀለው። ፊደል እለ ጸገም ትሩድ ህዩ እትለን እድወራመን ለሀሌን 33 ሰነት ሕርየት፡ ሞት አጀኒት 153 ምን ምር አልፍ እብ ሕያዮም ለትወለደው በጽሕ ለዐለ ዲብ 37 ምን አልፍ ክሩይ ህለ። 98 ምእታይት ምን አጀኒት ክታብት ረክብ ህለ። 83.7 ምን ወላድያት እማት እት ሕንቴ ሐኪም ወልደ ህለዩ። መአሰሳት ዓፍየት 97 ለጸንሐዩ ዮም 347 ባጽሓት ህለዩ። እብ ዓመት 75 ምእታይት ምን ሽዑብ ሐምስ ኪሎሜተር እንዴ ጌሰ ክድመት እግል ልርኩብ ቃድር ህለ። ምን ግድለ እግል ወጀዶት ወአሰራዮት ዓፍየት ላኪን ዕርፍ ኢህሌት። አሰክ እለ ገበይ ረም እንዴ ካተረ ለልትሐክም ሽዑብ ብኸ። ህቱመ ክም አመቱ ምን ቅሩብ ክድመት እግል ልርኩብ ልትሸፍ ወልትባሰር ህለ።

በዝሕ እቱ ጸርግዮ ለትበጽሐ ኣካን እንዴ ቀርቦት፡ ለሕመም አው ዐምሳት እት ዐራት ራፍዕ ለሀለ ሽዑብ ትትከብት ወኣካን ራድኢት ተአበጽሕ።

እስብዳልየት ዐድተክሌዛን ዐመሲ አሰክ ወልደ ለጸካሐ እተ ቤት እብ ዐራታተ ወክሺነት ህሌት እለ። እለ እግል ሽዑብ እብ ዐቢሁ ወእግል ሃይባት ክድመት ሴድያይት ተ። ሐቱ እም ምን በገሰ፡ ናላይ አው መዐልዲ ሳዕት አርብዕ አግወሐት ምንገብእ፡ ሳዕት 10 አዳሕየት ትበጽሕ። እለ ሐኒ ዶል ተምም እለ ክሉ እንዴ ትግዕዝ እት ወክደ እግል ትብጽሕ ሰበት ኢትቀድር ብቆት ህሌት። ወክድ እት ብእተ እንዴ መጽአት እትለ ጸንሐት ምንገብእ ላኪን ካፍየት መራዐየት ትረክብ። ሰዳየት ዐባይ ዶል ተሐዜ ህዩ ምንቅሩብ እተ ትወቀሉት ሕክምነ ትትለእክ። እትላ መጽንሐ ዐመሲ ምን አሳቤዕ አሰክ ክልአት ወሬሕ



ኔርስ ልዩ አልአዛር

እት ህለ፡ ለጸንሐ ክዳማት ዝያድ አሰራዮት ወፊህም ሽዑብ ወቀሎት ህዩ ምን አግደ ኤታን ቱ።

ዕያደት እግል ትግበእ እቱ ለትሰእዩ ህዩ። ለሽዑብ ብዛሕ ለቡ ረዩም አካናት፡ ክምሰልሁመ ደቀምሐሬ ቅሩብ ምንመ ገብእ ወብረት ዓፍየት ዝያድ 4000 ሽዑብ ለቡ ደዋሐ ዕያደት እግል ትግበእ እቱ ሰበት ሰሜሕ ወህዳም ዝያዱ ሰበት ገብአው እግል ትትፈተሕ እሎም፡ ቀርያት ሽንድወ ወእምበደርሆመ እንዴ ትጀምዐ ሐቱ ዕያደት እግል ትግበእ እቱ ልትሰኢ፡ ዋራመ ዝያድ 3500 ሽዑብ ብእቱ።

ሽዑብ ሐቆ ልትበገስ ክርዑ ክም አለቡ እት መዐልዲ ርእያመ ሰበት ህሌን ለዕያደት እግል ትትፈተሕ እቱ ለለትህል ሽዑብ ናሱ መባደረት እግል ልንሰእ ክምቡ ህዩ ተአትፋቅድ።

ኔርስ ልዩ ክሎም ለዲብ ሰርገል ዓፍየት ገበል ለሰዱ ዲብ ተሐምድ ሽዑብ ክመ እለ ህለ ወዝያዱ ሐኪም ርሐ ናሱ እግል ልግበእ ተአትፋቅድ። እሲት መራዐየት ዐመሲ ዲብ ትወዳ እግል ልትለወ ለትትሆብ ሐብሬ ምስል እግል ልሰምዕው ምን ገበይ እንዴ መሸገዩ አው እንዴ ትገደዐዩ ምን ከሸፍ እግል ኢልውዐለ እግል ለአትናዩተን ትትፋቅድ። እት እስብዳልየት ለወልደ እማት 80 ምእታይት፡ ወመታብዕት ቀደም ወሊድ ወክታብት ዝያድ 90 ምእታይት ባጽሕ ለህለ፡ ደሐን ወላደን አካን ዐባይ ክም ለሀይብ ለለርኡቱ እንዴ ትቤ እግል ሽዑብ መዐልዲ ወክሉ ሽዑብ አሰናይክ ትብሉ።

ክልሉም እብራሂም ምን ኢራ ለመጽት እት መጸበሪ ዐመሲ ዐድ ተክሌዛን ካልእ ጅናህ እግል ትውለድ፡ ወበኪተ ሕሴን ምን በገሰ እም ሴዕ ጅነ ዓሰራዮ እግል ትውለድ ልትጸበሪ ለጸንሐያና ተን። ህተን ክል ወሬሕ ገበይ ዝያድ አርብዕ ሳዕት እብ እገረን እት መጸአ ከሸፍ ወድዩ እንዴ ጸንሐዩ አውረሐተን ክም ሸእገ እተ እስብዳልየት ቃርባት ለሀሊያ ተን። እንዴ ወልደዩ ወውላደን እንዴ አክተቡዩ እብ ሰላመተን እተ እቱ ሓድጋት ህለዩ ዕያደን እግል ለአቅብለ ህዩ ሰእዩት ክልናቱ። እግልሚ እማት ወአጀኒት ለበዝሐው፡ ለቀለው ወሀመሌ ለአምሐ ክፋል መጅተመዕነ ገብእ እት ህለው፡ ደሐኖም ህዩ ደሐን ክልና ተ።



ለኢትክምከመ እት ቀርያት እንዴ ትፈንጠረ ለኮብር ሽዑብ ለብእተ ምዴርየት ተ። አዜ እትላ ኢያም ቅሩብ ሽዑብ እብ መባደረት ናሱ እት መዐልዲ እግል ዕያደት ለገብእ አብያት እንዴ በነ ወብረት ሐኪም እግል ቱዴ እሉ ምን ጠልበ ምር በዐል መቅደረት ወላደት ኔርስ ምን እስብዳልየት ዐድተክሌዛን ትየመመ እተ። ምስለ ዲቡ ህለ አጋር ሐኪም ወወካይል ዓፍየት ዐድታት እት ልትሳዴ፡ እብ ወብረት ተሐዝዮ መቅየሰመ ምን ኢገብእ ክድመት አውለዶት ወክታብት ወብዕድ አሳሲ ክዳማት እግል ተህብ አንበተት። እግል ገሌ እንክር ምን ናላይ ወክዋክንመ ልትነፍዖ እብ። ቀደም አዜ አጋር ሐኪም ለትየመመ እተን ሐምስ ንቅጠት ዓፍየት እት በገሰ፡ መዐልዲ፡ ከዋክን፡ ናላይ ወደቀምሐሬ ምን ኢገብእ ዕያደት የዐለት።

ለእስብዳልየት ሐቱ አምቡላንሰ ብዲብ፡ ለምድር አጸድፍ ሰበት





12 ማዮ፡ እድንያይት አምዕል ዓፍየት ብቅል

ለሐልፈተኑ 12 ማዮ 2024፣ እድንያይት አምዕል ዓፍየት ብቅል፡ እት ቃዕት ኮንፈረንሶች ሽቃላ ኤሌክትሮኒክ እብ ደረጃት ወጠን ወእዲን እግል ሳልሰ ኢነት ዝክርት ወዕለት። እት መናሰበት፡ ብዝሓም ሰብ መቅደረት ሐርሱ፡ ሐምሰ ወራቅ ብሐሰ እብ ክሰሱ ዓፍየት ብቅል ቅዱማም ዐለው። እምበልሁሙ፡ ምን ሐረሰቶት፡ እብ ተጃርብ ናሶም እት መዳፍዐት ብቅል ለወድወ ወራታት ለሓከው ወተጃርቦም ለሓለፈው ዲበ መናሰበት ዐለት። ዓፍየት እደሚ ወዓፍየት ንዋይ ላተ ሳምዓም ትገብእ። ዓፍየት ብቅል አው ነባት ህይ፡ ሚ ተ ገብእ? ዓፍየት አዳም ወንዋይ እግል ትትሐፈዝ። እሰልፍ ዓፍየት ብቅል እግል ትትዐቀብ ክምሰል በ፡ ዐለሙእ እብ ብሐሰ እኩዳሙ ለህለው ጋር ቲ። ብቅል ኢትዓፊ ምን ገብእ፡ ኩሉ አዳም ወንዋይ ክሳፍ ምን ብቅል ሰበት ቲ። መንበረቲ እት ክጠረት ትትካሬ። ከልእከት አምዕል ብቅል እንዴ ተሌት ትትቀደም፡ ቅራኔት በኪተት።



12 ማዮ እድንያይት አምዕል ዓፍየት ብቅል፡ “ዓፍየት ዘርእ፡ እብ ደማን ለበ ተጃረት ወተጠውር ቲክኖሎጂ” እበ ትብል ሰቅራት እት እዲን ምን ገብእ ወወጠን እግል ሳልሰ ሐሰ ትትዐየድ ህሌት። እሰ አምዕል እሌ፡ እድንያይ ፈህምን እንዴ ወቀል፤ ለእንዘርኡ ኩሉ ዐፋይ ብቅል እግል ለሀበነ፡ ከመንገፍ ሙነት ወደማነት ተጃረት እግል ነኦክድ፡ ሽዑብን እቅትሳዱ ወመንበረቲ እግል ትሰይ፡ ምሰዳር እግል ትትነሰእ ለትኣትፋቅደና ቲ።

ዐፋይ ብቅል፡
ዐፋይ ብቅል ለልትበህል፡ ሐቲ ብቀለት እግል ትዕቤ ምን ገብእ ወእግል ትፍሬ ምሽክለት ለኦለበ፡ እግል ለትፈናተ ተእሲራት ደዋር፡



ባልዲን ወሕማማት ለትክህል ዶል ገብእ፡ ክምሰልሁሙ ኩሉ ብቅል እብ ጅንሱ መትጃግራይ ዶል ገብእ ቲ። ብቅል አሳሰ ኩሉ እት ዐለምን ለህለ መክሉቃት ቲ። ለነኣተንፍሱ ህወእ፡ ለእንበልዑ ነበረት፡ ለንትሳሬ እብ አድወየት፡

ክምሰልሁሙ ለትፈናተ እግል ልባሰ ወኣብዶት ለንትነፊዕ እብ አሸየእ ኩሉ ምን ነባት አው ብቅል ቲ። ላኪን፡ ባልዲን ወሕማማት ብቅል፡ ክም አግደ አባያም እተይ ብቅል እት ገብእ፡ ክሳር አዳም እግል ትውሐድ፡ መሐልከ ጋብእም ዲበ ህለው። እብ አሳሰ ተቅሪር እድንያይት መንዘመት ነብረ (2020)፡ ቅያሰ 40 ምእታይት ምን ኣካል ዐለም፡ እብ ሰበብ ባልዲን ወሕማማት ብቅል ክም በዴ ልትሐበር። ምሰል እሌ እበ ልትጸበዋ ብዝሓም ሐረሰቶት፡ ባልዲን እግል ለኣብዱ፡ አድወየት ድድ ባልዲን ረሻርሾ። ምናተ፡ መትነፍዶት ድድ ባልዲን ብዘሕ ህይ፡ እት በርከት ሕያያም እብ ዓመት፡ እት ጠበዐታይት እዳረት፡

ባልዲን አትሐዘዮት ዲበ ቦም አሸየእ ለልህዩበ መንፈዐት ህይ እብ ፍንቲት፡ ተእሲር እኩይ ለከልቅ ቲ። ሰበት እሌ፡ እትሊ መጃል እሌ፡ ከዋዋት አንደፎት ብቅል (Phytosanitary mea-

sures) አግደ ገበይ ዳፍዶት ቲ።
1. ዓፍየት ብቅል እግል ትደመን ለሰዴ ዐዋምል

1.1 ክልኩል ብቅል
ምን ካርጅ ለመጽእ ብቅል ወፈርያት ብቅል ላቲ አሸየእ፡ ባልዲን እብ እት ቀበት ዐድ ጀላብ እግል ኢልእቲ ወለባልዲን እት ክል ኣካን እግል ኢልልንጥር፡ እት ክርዐቲ መትደጋግ ወዲ ስኒ ምህም ጋር ቲ። እብ ዛህር ወእብ ሕቦ ክም እሌ ለመሰል ብቅል ልግበእ ወዘርእ ዐድ አተ ምን ገብእ፡ ክምሰልሁሙ እብ ሰበብ ለመጽእ ባልዲን እንዴ ኢልትከሽሕ ከዋወት ጋብሁቲ ነሰእ፡ ለአሰክ ድወል እብ ተሰዲር ለገይሰ ፈርያት ብቅል ዐድነ፡ ምሰሉ ባልዲን እግል ኢልንሰእ እንዴ ትደግግከ ልእከቲ፡ ዐቦት ተጃረት ሰጄዕ። እሌ ህይ ሸቅል ሕበር እት ገብእ፡ እት እዲን ብቅል ዐፋይ እግል ለህሌ ምሰዳር ወጅህት ልትሐሰብ።

1.2 እዳረት ባልዲን ንዝምት፡ ብቅል ዐፋይ እግል ለህሌ ትሰይ

ፈዓልየት እዳረት ባልዲን ንዝምት፡ ብቅል ዓፍየቲ እግል ትትዐቀብ፡ መዋመጦሩመ ዓፍየት ደዋር እግል ትትሐፈዝ። ለሐሰ በሰር ቲ። ንዝም እዳረት በልዲን ህይ፡ እብ ለትፈናተ አብሳር መዳፍዐት ባልዲን እግል ንራቅብ ወበርከት ብቅል እግል ነኦክድ ለንትነፊዕ እበ ገበይ ቲ። ከማእያይ ድድ-ባልዲን ክም ናይ ደንጎበ ሐራን እግል ንትነፊዕ እብመ ተኣተቅድረነ። መትነፊዕ ንዘም አግቡይ መጋብህት ባልዲን፡ እብ ዕን እቅትሳድ እብ ቀላል ሰበት ኢልትረኡ፡ እት አዳም ምን ገብእ ወሐዋናት ከሳር ለልኣነቅሰ ከዋዋት ሸቅል ነዘሞት ቲ። እተይ ዘርእ ዐፋይ፡ ንዝም ሐርሰ ለረብሽ ሰበት ኢኩን፡ ጠበዐታይት መራቀት ባልዲን ሰጄዕ። እሌ ህይ፡ ብቅል ዐፋይ እግል ለህሌ ነፊዐ'ነ።


1.3. ዘርእ ነዲፍ፡ እ'ማት ብቅል ዐፋይ ቲ

ዘርእ አሳሰ ኩሉ መክሉቅ ቲ። ብቅል ሕማማት ብዘሕ (ክም ሻይረሱ፡ ባክቴርያ፡ ወ-በዕድ) እግል ልርከቡ ቀድሮ። እሉም እብ ዕንታት ለኢልትረኡው ማይክሮባት እሉም እት ሓለት ጀው ሰይት፡ እት ብቅል አው ነባት ሕማም እግል ለአምጽኦ ቀድሮ። ሰበት እሌ፡ ዘርእ ስኒ ነዲፍ እግል ለሀበነ ለቀድር ንዝም ዘርእ ስኒ እግል ለህሌ፡ እት ዘበናይ-ዐፋይ ሐርሰ ምህም ጋር ቲ። ሰበት እሌ፡ ሓለት ዓፍየት ኣካል ወኩሉ ንዝም ሐርሰ ወጅብ እግል ለህሌ እግልና ለሰዴ፡ ወእግል ልትረኡ ዔ'ማይ ባልዲን ለልክህል፡ ምሰል ለልትባደል ኣከይ-ተዋልል ለልትአቅላም

ወለልትላመድ አጅናሰ ዘርእ ኣካል አትባዝሐት ምህም ቲ። እሌ ህይ፡ እት ክል-ኣካን፡ ብቅል ወጅብ እግል ለህሌ ሰዴነ።

1.4 ትርበት ነዳፍ፡ እግል ዓፍየት ብቅል

ትርበት እግል ብቅል ሙነት ለገብእ እሉ ቅዘእ፡ ማይ ወሲናዶ ቅርድ ለትህይቡ፡ ንዝም ሬሕ አለቡ ቲ። ለብዘሕ ዐደድ መክሉቃት ትርበት፡ ባልዲን ምሰል ናይ ክልቀት አባያምም እበ ወድወ ዕላቀትመ፡ ዓፍየት ብቅል ሳዕድ። እት ሐልፈ ዐሰርታት ሰዳታት፡ እብ ሰበብ ናይ ሳቦ አትሓያሰ አው አዳቃል ኣካል፡ እተይ ሐርሰ ምንመ ዜይ፡ እሌ ሳኪን፡ ለኢንቡር አግቡይ ላዋሽ-እደይ አደሚ ዲብ ፍዋረት ለልኣርኡ ቲ። ገሌ ምን ብዘሕ ወራታት ሐርሱ፡ እት ብዝሐ መክሉቃት ትርበት፡ ርበሽ እንዴ ከልቀ፡ እግል እት ጨበል ለህለው ባልዲን እት ብቅት ካርዮም። ሐን ትርበት ለህለ ኔፍዓይ መክሉቃት እግል ልትገልቡብ፡ ሸክል እክል እግል አብዝሐት፡ ረብሸት ትርበት እግል ትንቅሱ፡ ወእብሊ ዓፍየት ጨበል



አሰይድ፡ ክብረኣብ ምሰግና
እት ዕሉም ወቲክኖሎጂ ልትረኡ ለህለ ተጠውራትመ፡ ዲብ ሐርሰ ሹቡብ ህሌ። እግል መደት ረያም ዎር እተይ ሐርሰ መትነፍዶት፡ እግል ደዋር እንዴ ኣኩ፡ ትርበት እት ለሃምር ነብር ለዐለ ወለህለ በሰር ቲ። ወሰክ ዐውል እት እተይ ሐርሱ፡ ረብሸት ደዋር፡ ምሰል ብዝሐ ሸዑብ እንዴ ትወሰኩ፡ “አዝመት ሐርሰ” እግል ትምጽኦ ክም ትቀድር እመር ቲ። ሰበት እሌ፡ ጠበዐታይ ንዝም



እግል ትትሓየሰ ሰዴ። ጨበል ዐፋይ፡ ብቅል ዐፋይ እግል ልብቀል ዲቡ ሕዘቲ ስኒ ወቅል ቲ።

1.5 ጠበዐታይ ንዝም ሐርሰ (ሸፍር ጠበዐት ወድድ ባልዲን)፡ እግል ዓፍየት ብቅል

ሸፍር ጠበዐት ወድድ ባልዲን ሐርሰ እግል ደማን ለበ እዳረት ሕያያም ወደማነት ነብረ ለሐሰት ገበይ እት ገብእ፡ እት በርከት እተይመ ዶር ስኒ ለልኣዴ። ሰበት እሌ፡ ናይ ደዋር፡ እጅትማዕየት ወእቅትሳድ ዐዋምል እት ሕሳብ ለኣተ ወራት ሐርሰ ቲ። ሐርሰ እብ ግዲዳ፡ እት ንዝም ጠበዐት ለልኣተርግዝ እት ገብእ፡

ሐርሱ፡ ደማን ለበ ተዋልል ሳብት ለከልቅ ወዓፍየት ደዋር-ት አደሚ እንዴ ኢተምትም፡ እተይ እግል ሙነት ወእቅትሳድ እምበል አሰፍ እት ትውቀለት ደረጃቲ ለልዓርግ ቲ። ወእብሊ፡ ርበሽ ትርበት ለአታምም፡ በርከት መክሉቃት ለኣዘይድ፡ ነዳፊት ሙነት ወትዕየተ ለኣትሓይሱ፡ እት መጋብህት ክሲሐ ደዋር ዶር ስኒ ቀድም፡ ወዲብ ተጃረት ህይ እማነት ከልቅ ዲብኩ። እትላ መናሰበት፡ ዝያድ 120 ለገብኡ፡ ውቁላም መሰኡሊን ሕኩመት-ሰብ መቅደረት ወብዕዳም ዕዙማም እት ለሐድድ፡ ሐምሰ ወራቅ በሐሰ ትቀደመ። እት መክሰቲ፡ እብ ሰሚት ወብረት ሐርሰ ወእድንያይት መንዘመት ነብረ፡ ከሊማት ቅዱም ዐለ።

እብ ወብረት ሐርሰ ለልዳሰ ዓመድ

ሸግብ

ነጃት ዑሳጣን



መንዴረት ሕሸመት ወጠን ወመዋጥኒን

ለልትሀድግ።

ዲብ ትፈናተ መናሰባት እት መንዴራት ለሀላ ሓባር እግል ዐዋዲ ወለመድ ክምሰልሁመ ፍጹም ወተዳል ወጠን ለሸሬሕ አዋይን እት ገብእ። ክል መንዴረት ትዳሌ እት ህሌት ለትፈናተ ሕብር። ግዝፍ ወሸክል እቡ ትትዳሌ። እብ ዕቢናህ ለትአመረት መንዴረት ዲብ 22ግርሰ ሰነት 1900 ዲብ ኢሻንሺለ ህንድ ለትሰቀለት። ርሕብ ህዩ። 125 እብ 64 ምትር ለገብእ መንዴረት ተ። እሊ ህዩ። አክል ሚዳን ኩረት እገር ለገብእ ተ።



እብ ሰበት መንዴረትን ህዩ

እብ ሰበት መንዴረትን ህዩ ሚተአምር ሓይሳም ቁርኣት። አወል ወቀደም ክሉ መንዴረትን ምን ብዕዳት መንዴራት ዐለም ምን ቅደስ ወለዐል ፍንቲት ህሌት እግላ። እሊ ህዩ እብ ቃሊ ደም ፍራሰ ማጽኣት ሰበት ገብእት ተ። ምን ሐረስ እሊ ህዩ ሹህዳን ዲብ አልባብን እንዴ እንቤ እግል ሕሸመት መንዴረትን ክል ዶል ዱልደም ሕነ ሕሸመት ናይ ክል መዋጥን ኤረትሪ ህዩ መንዴረት ሌግ ተ።

እቤ ዐድነ ኤረትሪያመ ክምሰል ክለን ድወል ዐለም እብ ቃሊ ዐውል ለማጽኣት ናይ ኖሰ መንዴረት ለማልከት ደውለት ተ። ምን ዘበን ፈደሬሽን ክምሰል አንበተት ህዩ ታሪክ ለሓኪ እግል። እተ ወክድ ለህዩ መንዴረት ሶታይት (ሕብር ሰመ)

ወእት ቀበተ ቅሸን ወግሬተት ለበ መንዴረት ዐለት። ሰውረት ኤረትርዮ ዲብ ሰነት 1961 ክም ተአንበተት። ሙናድሊን ሰውረት ኤረትርዮ እግል እል ዲብ ዕጫይ ረዩም እንዴ ሰቅለወ ምሰሎም አድብር ዲብ ለዐርገብ ወጋድጥታት ዲብ ልትከረው እበ ምናም ፍንቲያመ ኢኮን። ዲባመ ልትመዩው እቲ አካናት ህዩ ሰቁለ። ክሉ ሸብ ኤረትርዮ ከዱረት እት ልብል ለሐልዩ ወሰናቅዩ ሌጠ ዐለ።

ተንዚም ጀብህት ሸዕብዮት። ምን ጀብህት ተሕሪር ክም ትፈንት። ምን ሰነት 1970 ወሐር ለሀላ ወቅት መንዴረት ኖሱ ወደ። እል መንዴረት እል

ምን አርባዕ ሕብር ትትከውን። ለሓባር፣ ቀይሕ፣ ኮከብ ቢጫ። አክደር፣ ሊኒ ዲብ ቀበተ ህላ። እል መንዴረት እል ናይ ወጠን እንዴ ኢትገብእ ናይ ተንዚም ጀብህት ሸዕብዮት ተ። ወአስክ እል ዲብ መካትብ ጀብህት ሸዕብዮት እብ ሕሸመት ዲብ ረፍርፍ ትትረኤ ህሌት። መንዴረት ኤረትርዮ ምን አስትፍታእ ሰነት 1993 ረሰሚ ለተአመረት ገብእ እት ህሌት። ምን ናይ ቦዲር ሶታይት መንዴረት ኤረትርዮ ወመንዴረት ጀብህት ሸዕብዮት ለተሓበረት። ምን አክደር፣ ቀይሕ፣ ሶታይ፣ ወቢጫ ቅሸን ወግሬ ለትከውነት ተ። እሊ ሐባር ክል ምርት ከናዩ ተርጀመት ህሌት እላ።

ከእብ ቀይሕ ነአንብት

ቀይሕ፣ እሊ ሕብር እሊ እግል ጀላብ ወጠን ወሸብብ። ዲብ አድብር ወጋድጥታት ዲብ ሐንቲ ክል እበነት ወዕጫት ለአስተሸህደው ፍራሰ ምሔርብት ለከዐወ ደም ለሸርሕ ተ።

ቢጫ እሊ እብ ሸክል ቅሸን ወግሬተት። እት ቀበት ሕብር ቀይሕ ለሀላ ቢጫ ሕብር። እግል ዲብ ዐድነ ኤረትርዮ ለሀላ አርዛቅ መዳድን ለሸርሕ ተ።

ሶታይ እሊ ሕብር እሊ ህዩ። ሕብርላ ዝያድ አልፍ ኪሉ ምትር ለገብእ አጥራፍ ለበ ቤሐርን ለሸርሕቲ።

አክደር፣ እሊ ሕብር እሊ ክመ ሰሚቲ ለትሸርሐ። አርዛቅ ሐርሰ ለሸርሕ ሕብር ክም ቲ ለአርኤን። ወእብሊ መንዴረትናመ እት አልባብ ኤረትርዮን ኣካን ዐባይ ለጸብጠት ወተርጀመት ዐባይ ለባ። እሻረት ሐበን። ሕሸመትን ወሸረፍና ወእምርት ዕላመትና ተ።

ክል ምጅተመዕ ለእቡ ልትአመር አሻይር አው ዕላማት ሀላ እላ። ገሌ ቁምያት ምን ሕድ እግል ትፈንትዮን ዶል ተሐዘ። እብ ዓዳተን እግል ትፈንትዮን ቀድር። እግል መሰል ህግዮ፣ ልባሴ ሕላይ ዓዳት፣ ሰርጎ ወብዕድ ክም መፈረገ እግል ልትሰሚ ቀድር። ክልአት መዋጥን ናይ ክልኤ ደውለት ህዩ ምን ሕድ እብ ከአፎ እግል ንፈንትዮም እንቀድር ለልብል ሰአልመ እግል ልምእእ ላዝም ቲ። ከክል ምርት ምን መላህዩ እግል ንፈንትዮ፣ እብ ለብሰቲ፣ ሰርጎህ፣ ወሂጋሁ እግል ንፈንትዮ እንቀድር። ወክልኤ ደውለት ህዩ ምን ሕድ እብ ከአፎ እግል ንፈንትዮን እንቀድር? ልባሴ፣ ሰርጎ ወሂገ ኢኮን ለመፈረገ። ክል ሐቲ ከእብ ሕሸመት መንዴረተ ክምሰል እምር ዕላመት እንዴ ገአት እበ ሌጠ ትትፈረግ። ታሪካይ አሳሰ መንዴረት ወጠን ለሸሬሕ ሐብሬ ምንመ ኢህሌ። እግል አወል መረት ዐስከር ልትነፈጽ እበ ክምሰል ዐለው ልትሀደግ። ዲብ ጀብህት ሐርብ። እብ ዲሸ ዐድህም በረግዕ እንዴ ገአው ሸተተ ገብእ ለዐለው ዐሳክር እግል ክምከሞት ልትቀደር ሰበት የዐላ። ፍንቲይ ሕብር ለቡ ሸለትት ዲብ ዕጫይ ረዩም አው

ታክያት ለመሰል እንዴ ወትደው ወአሰረው ክምሰል ረፍርፍ ወዱ ክም ዐለው ልትሀደግ። ወእብሊ አሻይር እሊ መካራቶም ለትቀወ አው ለትፈንጠረው ከእትጅሆም ለበደ ምናም ዐሳክር። እብላ ናይ መንዴረት እሻረት እንዴ ትነፈዐው ዲብ ሕድ ልትከምከም ክም ዐለው ልትሸረሕ።

እግል አወል መረት እብሊ በሰር እሊ ልትነፈዐው ዐሳክር አሰርዮ ወዐሳክር ፔርሸዩ ቶም። መሰለን ክምሰል ዲብ ሐርብ። ሰላም፣ እንዴ ትበህለ ለልትአመር መዋጅሃት እሊ አብሳር እሊ ክም ትነፈዐው ታሪክ ለሓኪ። እግል አወል መረት እብ ረሰሚ መንዴረት ሸልቲት ለትረኤት እተ ሰነት 3000 ቀደም መትወላድ ነብዩለ ዲሰ (ዐለይሂ 'ሰላም) እት ደውለት ሲን (ቻይነ) ተ።

መንዴረት ወጠን ዲብ ድወል ኤርብ ወአሚሪክ ምን 18ይ ክፈል ዘበን ወሐር ክምሰል ትረኤት ወሳይቅ ታሪክ ለሐብር። እብ አሳሰ እሊ። እግል አወል መረት መንዴረት ወጠን ለአዳለዩ ድወል አርብ ህዩ። ዲንግርክ ወሰዊዘርላንድ እት ገብእ። ዲንግርክ ዲብ ሰነት 1219 ባንዲራት ክምሰል ወዴት። ወሰዊዘርላንድ ህዩመ እት ሰነት 1339 ክም ወዴት ቲ





ተረት ከበር ዲብ ዓዳት ወፊን (3ኛ ወናይ ደንጎባ ክፋል)

ትልሆ ጎልፍ
ጎልፍ ምን ስሰኝት ለተሐልፍ እቱ፡፡ ሸባብ ወሻባት ምስል እት ልትሰረር ወኩብር እት ዘብጦ ለልተልሆም ጅንስ ትልሆፍቱ፡፡ ዲብ ጎልፍ ለበዘሕ ወክድ አዋልድተን ከበር ለዘብጦ፡፡ ሐት ሐቲ ዶል ሆይ ውላድመ ከበር እት ዘብጦ ልትረክዎ፡፡ ዲብ ወቅት ጎልፍ ምን ክልኦት ከበር ወለዐል እብ ሕበር እግል ልትዘበፍ ኢቀድር፡፡ ሰበብ ሆይ ዘብጦት ከበር ጎልፍ ፍንቲት ወድቅብት ሰበት ተ፡ ለአዋልድ ምን ቅያሰ ወለዐል ምስል ለትልሆፍት ወዘብጦት ኡሕድ ለላምዳት ኢጉብአዩ ምንገብኦ፡፡ እት ዘብጦት፡፡ ከበር ሰበት ኢልትፈቀ ቦናቢን ገብኦ ምን፡፡ ለትልሆ ሆይ ኡው ልትረርተክ ኡውመ ጠም-ጠም ለሐግል ከሰብኡ መሸግ ወምን ጎልፍዩ ልትካሰል ወስክቡ፡፡

ዲብ ጎልፍ ውላድ እብ ገበይ ኡሰራፋት (ቀወኒት) ኖሱ-ኖሶም ኡሕድ እት ለሐምዶ ወእገለ አዋልድ ለጅህላት ወሰኒ ትልሆፍት ላተን እት ለአትፍይቶ ልትሰምዶ፡፡ መሰለን እግል አሕድ፡፡

ምስል እንዴ ህሌ፡፡ እብ ሰፊላል ቦዳ፡፡
ውላድ መሓዛት ገበ፡፡ እግል ረእየትኩም መጽእኑ፡፡
ሱምሓንላ ቃናመ ቦዳ፡፡ ሐቆ ሰናት የሀለ፡፡

ውበዕድ እት ልብሎ እግላም አዋልድ፡፡

ወይ ሸለምለመ፡ እብ ሰፍላል ቦዳ ወድ ሚን አደመ፡፡
ወይ ሰርጃን ምንኪግ ቦዳ፡ ክስከስ ወቃ፡፡
ወለት ድንፊ ትልሆ ኢንሐዘ፡፡ መርኢት ከፊኑ፡፡
ወኪመ ሳረ ቀሸተኩ፡ ምስል ብጥረትኪመ፡፡
እለ ሰማን እለ ሸሪፊ፡ ምስልን ሓሰፊ፡፡
አጅል ጎይላኪ ማዳም ህሌ፡፡ ዕጨት ሱቢን ወአራንሸ፡፡
እብ ግሰተ ከበርኪ፡ አልባብ ሸባብ አንቀሳ፡፡
አተቡሰ ጽልመት አምዕልተ፡ ነገር ለእንቲ ትገድ፡፡

እት ልብሎ ለሐምዶን ወጀናጅን፡፡ ሰብ ጎልፍ ቀደም ዲብሆይ ለአትቦቶ እብ እግሉ ለአትፋግሮ ቀዋኒት ወአሰራፋት አድ-ሕድ እግል ለሆናሻ ወልቅቦመ ቀድሮ፡፡

መሰለን ወለት ሰኒ ትልሃት ወለመልሃት ሸባባት፡ ሸወፍ ሓምቃም ምስል እት ጎሎ ሐቆ ጸንሕምም፡ “እንቱም እለ ወለትኩም ተሐይሰኩም” እብላ ለአሰምዕ ገወሊት፡፡

-ምን ሸባብኪ ማሸጋም ህሌ፡፡ እብ ግሰታ ሐሰንጊ፡፡
-ፍሬድማ ሐዋን ሐዋን ትታሌ፡ ጋኑ ኢልሰኩብ ወድ-እመ፡፡
-ሳረ ጳዕደ እለ ቃናኪ፡ ሳክት ዲብ ከደን ቦድ፡፡
-እለ መተልሃትኪ ጎይላ ደዕሉም፡ እምበል መትባግር ገፋም፡፡ ውበዕድ እግሉ ለመስል እት ልብሎ ምስለ ኢተአሰትህሎም ሻቦት ጎሎ ክም

ሀለው፡ እብ ወለት ገበይ ለሐብርም፡፡ እለ ለመሰል መባልሰ ሆይ እግላ ወለት ሐቲ ሃደኦት ወሸረፍ ነፍሰ ወእሕትራም ጋድመተ ለተዐቅብ ኢጉብአት ምን ገብኦ፡ ረኡስ እግል ለአርፈዐ ወካልእ ኡነን ክም ተአናኬ እግል ሊደየ ቀድሮ፡፡

ሐት-ሐቲ ዶል ሆይ ገሌ ጅንጎይላ ለካብሆን አዋልድ ካልእ ምድር እንዴ ጎሎ እግል ለአተልሆ ለሐዘዩ፡፡ ለውላድላ ቀርየትመ ጋድመተን ጎሰት ሐቆ ለአቡ እግላን ሆይ ወለክደሽ ውላድመ ልግብኦ ክልኦት ሰለስ እንዴ ክሰኢ ዲብ እግላ ግልባት ለሀለዩ ኡነን ትልሆ ገይሱ፡፡ ለምስለን ለነሳኦም ውላድ ሆይ እብ ሐቲ፡ ክም ሰብ ተብዕን ክም መተንሰይ አውመ ወኪይል ወሕጌ ገብኦ እግላን፡፡ እብ ካልእ ጀህትመ ፈጅር ለመጸት ምን ትመጽእ “ምስል መልሃትን ጋይሳት ዐልነ ወ እንቱም ሆይ ኒጊሰመ ምን እምቤላኩም አቤኩም እግልኩ” ልብሎ፡ ክምን ቀጽብ ወሰቆ ክም ሕጌ ልትነፍዓ እቦም፡፡

እት መደት ቀዳሚት ወለት ወሕጸን ክእኒ ናይ ኡዜ መጦር አድሕድ እት ቀሱ ወተክሎ ክምስል እትከማትሐ ወዳግሞ፡ አዳም ወኩሰሰን ሆይ ሰብወአንሰ ልርኡምም ኢብረወ፡፡ እብ ቀፋለት ሳይፈምም መ ምንገብኦ ኡጊድ ዲብ እንቲ ምን ገጸም ልትሸከ ባለው፡፡ እግልሚ ለወለት ምን ገብኦ፡ “ምስል ውላዳት እት ትትባጠር፡ እት ኡነን ፍላን ርኤናህ”፡ ወላመ ሕጸን “አሰር አዋልድ ለአንጎህ ሀለ” እግል ልትባህል ኢልሐዘኒ፡፡ ኢኮን ዐባይ እግል ልርኡምም ላመ መታሊቶም፡ ሕጸን ምን ክም ፈቲ ወ ወለትመ ምን ክምቱ በዐል ሻመ እግል ለአምርቦም ኢልሐዘኒ፡፡

ወለት ወሕጸን ንየት አሕድ እንዴ ወደው ምስል እግል ልትሃጀት ሐቆ ለሐዘ፡ ሆይ፡ እንዴ አሬመው አውመ ዲብላ ባካት አዳም ብዕድ ለአልፍህ'መ ኡነን ለሐፋ፡ ከአሰክ ጽብሕ ምድር እት ልትሃጀት ልትመዩው፡፡ እለ ህጅክ እለ ዲብላ ምን ትልሆ ቀብብ አውመ ለዓፋፊ፡ ላሊ እግል ልግብኦ ሀለ እግሉ፡፡ እምበል እለ ዲብ አምዕል ውርድ ከበር ገብኦ ምን ገብኦ፡ እት ትልሆ ሰበት ኢልትረክው ምስል ክምስል ትመዩው ለአዳም አጊድ ልሸዕር እቦም፡፡ ወሀቶም መ ክምስል አዳምም እግል ልተልሆው ሰበት ልትገሀፎ፡ እምበል ላሊ ቅብ ወዕርፍ ምን ትልሆ፡ ዕድም ኢለአሰር ወአሰክ ኡነን ህጅክ ኢፈግሮ፡፡

እተ መደት ለሀ ወለት ወሕጸን ምስል ለአራፍ ወለአቅር እብ ኢክሰሱ፡ እምበል ህጅክ ወሰሓቅ እት መሰሆይ ሰራጥ ለላሐልፍ አለቡ፡፡ እግልሚ ለዶል ለሆይ ወለት ዲብ ሕጸን፡ ወሕጸን ዲብ ወለት ንየቶም እግል ትእኪ ከብዕድ እግል ልትሸንሆ ዔብ ወአክጀህ ዐለ፡፡

እለ አማንት እለ ሰበት ዐለት ሆይ ሞልዳይ ልግብኦ ወሐ ምን ኡነን ጎይላ ወለት ለልትካረፍ ወእግል ዓቅቢት ቶታይ መ ቀሬር ለልትመዩ ዐለ አለቡ፡፡ ኢኮን እግል ልክሮወን

ወለዐናቁፊን፡ “ሆይ እነ ፍላንት” እንዴ ቤለው፡ አሰክ ኡነን ትልሆ ሐዋቶም'መ ለልትወርዘው ሐ-ዳም ኢትብረወ፡፡

ኩሎ ጅንስ ትልሆ ከበር ሞዑም ምንግቱ፡ ጎይላ ላኪን ኡነን ፍንቲት ታ፡፡ ዲብ መደት ቀዳሚት ኩሰሰን አምዕል ህዳይ ጎይላ ዲብ ኡፍያት ምንሸፍር እንዴ ኢለአረይም ልተክል ነብረ፡፡ ሸባባት ሌጠ እንዴ ኢጉብኦ ሆይ፡ አሰክላመ ሰብ ለዐባይ ምን ቁፋብ ለዐፋ ወሻርኮ ዲቡ ክልተልሆውመ ዐለው፡፡ ክሱሰን ሆይ ለእብ ገበይ ሆይ ለጉብኦ ሐመዶት አውመ ዕየር አድ-ሕድ ሐቆ ለአትብት፡ ብዝሓም ምንሰብ ዐባይ መጽኦ ክለ ሸባባት እግል ኡሕድ ለልቡሎ መባልሰ ሆይ ለአትንሱ፡፡

ሆይ እግል ሊበል ለሊከዜ ነፈር ሆይ፡ ሰብ ከበር እንዴ ሰር ዐለው ክም በጥረው፡ እብ ሞራሁ ገጽ ቀደም እት ለአሸር “ሆይ” ልብል፡፡ ሆይ ለበሀለት ሆይ “ገሌ እግል ኢበል አተንሱኒ”



ለተአሰምዕ ክርን፡ አውመ እሻረት ታ፡፡ እትለ ላኪን እግል ልሰምዑካመ በክት እግል ለሀባ ከለአትንሱከ ገብከው ምን ገብኦ፡ ሐቲ ለምድር ገጽ እት ጽብሐት እግል ለሀሌ ቡ፡፡ ወካልእ ሆይ ለጎልፍ ሸሀ እሻረት መሻግ እግል ለአርኤ ሀሌት እግሉ፡፡ እለ ለትሰረረታ፡ ሆይመ እንዴ ትቤ ለልትከበተክ ወለ ሰመዐክ አለቡ፡፡

ሐት-ሐቲ ዶል ሆይ ጅንጎልፍ ለካብሆም ሸባብ ሐቆ ህለው፡ ኢኮን እግል ልሰምዑኩ፡ ለምራክ ዛቲ እብ መረዋሆም እት ሰመ ወርወረ ከእት ተሐዘዩ ላሊክ ትትቀደድ፡፡ አዋልድመ ትልሆ ሰኒ ግሩም ወዕመር እት እንቲ ዲብ ኢወክዱ ሆይ ሐቆ ትቤ፡ እንተ እብ ሞራክ ወኖሰክ ቀበት ሚዛን እት ተክል፡ ህተን ለከብር እትሰመ ለዐልጃቡ ከኢብካይ ወኢሰሓቅ ወድያኩ፡ ውላድ ላቲ እንዴ ሐረቅክ ትትብአሰመ ምስሎም፡ ናይ አዋልድ ሆይ ሞት ድሐሱ ሞረ ብርድ ተ፡፡ ወክድ አር ሆይ ለወደለ ጋድመተን አውመ ህተን ለፈትያሁ ነፈር ሆይ ዶል ልብል፡ ምን ዘብጦት ከብር በጥረ ከዕድ ኩሎ ክም ሰምዑ ወድዮ፡ ወድ ብዕደት ቀርየት አውመ ለእግሉ ኢልትረየሐ ነፈር ገብኦ ምን ገብኦ ላኪን፡ ክምለ እምር ውዲተን እብ ከብርህን እትሰመ ልትሰረረ፡፡

ዲብ ሆይ ለሀላ ህጅክ ወሐምዳታት አድሕድ፡ ሰኒ ሞዑም ወእግል ተአትንሰዩ በህ ለአብልቱ፡፡ ዕየር ወአትካፍኦት አሕድ ሐቆ

ለሀሌ እቲ ላኪን፡ እግል ለአትብአሰመ ቀድር፡፡ ክምለ ዶል ቀዳሚት ለእምቤለ ለጎይላ እት ሸፍር ሀለ ምን ገብኦ፡ ለዐፋ ወለአትንሱ ለጸንሕው ሰብ ዐባይ ለሆይ ገጽ እት ግንገር ወዕየር ትገይሰ ሐቆ ሰምዕው፡ በአሰ እግል ኢልሳድፍ ሰበት ፈፋሁ፡ ክምስል ትብጥር ወዱ ወሆይ እግል ኢለብሎ መንዕምም፡፡ እለ ሕዳድ እለ ሆይ ሰብ ዐባይ ውሓይላም ሰበት ከርዎ ለለሐልፎ አለቡ፡፡ ቀደምለ መኔዕ ግል'ቲ ለበልሰ ተዐወተ ወሃብ ከብዱ አፍገረ፡ ወተረቲ እንዴ ኢልትፈዴ ለትክልከለ ሆይ መሸት ዲቡ፡ እት ልትሐክክ ለዐይር፡፡

ሰብ ሆይ ለእግሉ ጃምሎ አለቦም፡ ወለት ትግብኦ ወሕጸን እግል ኩሎ ልትግደር፡፡ ወሐምዴመ ምንገብኦ እግል ኩሎ ለሐምዶ፡፡ እሎም እግል ኡሕድ ሆይ ለልብሎ አንፋር ክል-ምናምክ መቅደረት ናይ ሆይ እንዴ ረክቦ እት አድሕድ ዶል በልሶ አውመ ተረቶም ልትፈደው፡ ወለዕየርመ ምን

ገብኦ እግል ትሰምዩ ትትሸንህ፡፡ ምርት ለለአምር ወለ ካልኦይ በሕ ወአካን ብራቀ ሐቆ ገብኦ ደኦም፡ እብ ጀህት ሐቲ ለአመሸግ ወእብ ካልእ እንክር ሆይ እግል ለአትብአሰመ ለቡተ መቅደረት ሰኒ ዐባይታ፡፡ እግልሚ-ተረቲ ለኢልትፈዴ አውመ ሆይ ለኢለምር ነፈር እብ ዕየር እዘኩ ክም አጽመመው እቲ፡ ሐሰቲ እት በአሰ ለሐዘዮ፡፡ ሓርቅ ክሸመ ክምለ ልትባህል ሆይ፡ ሞረ እብ እት መቅጠንሰ ልትግደር ለጸንሐ ነፈር እግል ልክሬ ላዘምቱ፡፡ እብሎቲ ሆይ ለውላድ ለሰኒ ትልሆም ወሀጅክ ለለአምር እንዴ ቤለዎ ተረቲ ለኢልትፈዴ ነፈር፡ አጊድ እት ለአንሰሕዎ ምኑ ለልትረክው፡፡

ሆይ ክሎ እግል ለአምር ለኢቀድር ፍንቲይ ንሳልቲ፡፡ ሰበት እለ ነፈር ሆይ ለቀድር ፍቲይቲ፡፡ ዐዱ ልግብኡ ወውላድ ጋድመቲ ሆይ ረኡስ ለአሰር እቡ ከ፡ “ሕናመ ፍላን አሰክ ሀሌ፡ ቀድር ዲብ አለቡ” እት ልብሎ ልትፋወሻ እቡ፡፡ የምክን እለ መቅደረት ሆይ ለብዲቡ ነፈር እርዩም ዲብ እንቲ፡ ውላድ ብዕደት ቀርየት ሐቆ ልትግደርም፡ ተረቲ ለልትፍዴ እግሎም ሰበት ለሐግሎ፡ እግል በዐል መቅደረት ሆይ ላቲ መለሆም፡ ምን ዲብ ሀለ ኡነን ጠሉባ ነብረው፡፡ ህቶም ምን ቅያሰ ወለዐል ኤማን ሰበት ልትሰመም እግል በዐል መቅደረት ላቲ መለሆም ሳብክ ምን ጸንሕ ደኖ-ዲቡ ከለአጎጉም፡፡ በዐል ንዋይ አውመ ዔቅባይ ገርህት ምን ገብኦመ፡ ዲብላ


ብትፋ ለጸኑሕዎ ጀግዐት የምሞ እግሉ ወህቲ አሰክለ ኡነንላ ጎይላሆም በኪተት ገይሶቡ፡፡

ለሸባብ እለ ምሴት ለመለሆም መጽኦተ ገድም ሰክቦ ወቀሰፍ፡፡ ለሰብል ድዶም እግል ኢልዘቦጦ ምንላ መለሆም፡ ለእብ ሆይ ክንትፍ ወክሬ ሞረ ሌጠ ዳፍዶ፡፡

ከሊማት ሆይ ክምስል ሸዕር ምንዲመ ኢልትከተቡ፡ አሰክ እለ ሃድል የም “ፍላን እግል ፍላን፡ ክእኒ ብህሎቱ” እት ልትባህል ልትደገም ሀለ፡፡ ትልሆ ጎይላ ሆይ ዲብ ገሌ ኡካናት ምንላ ሙጅተመዕ ትግሬ ለኩብር ዲቡ እትጅሃት ምንዲመ ለዐሌ ወለሀሌ፡ ዲብ ምድር መንሰዕ ውብሌን ላቲ ስዱ ሓልፍ ነብረ፡፡ የም ደኦም ጎልፍ ዲብ ክልኢቲ ለጅሃት፡ ለዲብ ምድር ብሌን ልግብኦ ወለ እት ምድር መንሰዕ ክርን ከብር ተሐረመት፡፡ እለ ለበዲር ዲብ አወድግ ወመሓዛት ገብኦ ለኩብር ጎልፍ፡ የም በዐል ዛር ወግኒመ እግል ተአተልጸ ምን ተሐዘ ኡሰፋ ኢትረክብ፡፡ ልግብኦም ዲኢኮን ለሐልዮት ወፈናኔን ላቶም ውላድ ብሌን እግል ጎልፍ ምስል ሞዐር ላሳት ሙሰቀት ክም ልትፈጅቅ ሰበት ወደም፡ ሙጅተመዕ ክምለ እት በዲዱ እብ ኖሱ ምንዲመ ኢሻርክ እቲ፡ ዲብ ተለፍዘፍናት ውብዕድ ዔማታት መርኢት ክም ልትፈረጅ ወ ጎልፍ ለልትባህል ክም ዐለ እግል ለአምር በክት ራክብ ሀለ፡ ለናይ ብሌን ጎልፍ እብሚ ሰበብ ክም ሰርተ ዶል ትትሰክል “ዓውለመትመ ተጠውር ለአምጸአዩ ሙሲቃት፡ ወዲብ ሀድዩት ገብኦ ለሀላ ባንዲታት (ሰሰኝት ዲብ ሸራይዎ አውመ ምስል ሐልዮት ወፈናኔን እብ ሐዳርም) እግል ከበር ክም ልትሰቀል ወክርንቲ ክም ትብዴ ወደዩ” ለልብል በሊሰ ምን ብዝሓም አንፋር ልትሰመዕ፡፡

ዲብ እለ ለናይ መንሰዕ ጎልፍ ሆይ ክምስለ ናይ ብሌን ዐውለመት ለከመቶ ወለብዕድ ሰብብቲ ለልብል ሰኢል እግል ለሀሌ ላዘም ቲ፡፡ ክልኤ ሀይገትማ ምንላ ናይ ብሌን ለኢልትፈንቲ ሕማም ቦደ ዓዳት ዐራ እቦን፡ ምን አዋክር ትሰረኛት እንዴ አሰተብደ፡ ወራር ትልሆ ዲብ ቲብ ወሀንዲዶ እት ገቢኦ አምብታ፡፡ ላመ እግል ከበር “ሰኩብ ክልኤ፡ አራመ-ዎ ኬን ቅረዐ እቡ” እትልብሎ ለአትማሩር ለዐለው ዐባይ ዐድ፡ እግል ትልሆ ቲብ እትጃመሎ ትረክው፡፡

እብላ ሆይ ሸባባት ወኩሰሰን አዋልድ፡ አሰክ ቲብ እግል ልልጅኦ ወቅት ኢኮላ ምን፡፡ ሰበት እለ ለእምበል ዔብ ወክጅል እት ቀብት ኡብዮት ወአፍቲት ምስል ናይ ትግሬ ወትግርንዩ ሐልዮት ወሙሲቃት ሸሽ እት ልብሎ ለልትመዩው ሸባባት እት በዘሐ፡ ወለ ትልሆ ከበር ወኩሰሰን ጎልፍ ለፈቲ ወለለአምር ሰናት ሆይ እት መሸጎ ወዕልም እት ለሀንጌ ጎሎ፡፡ የም ዲብ እለ ባካት እለ ከበር ዘበዋክ ምን ገብኦ፡ ክምስል ነፈር ለሓጃት ጅዳድ ልምህዝ ልትፈክር እትኩ፡፡ ሰበት እለ ጎልፍ ለአክፋ ዲብ ሮረ የተ'መ፡ ዲብ ከረ ቁፋሕ ወበገሰ ሐ'መ ወእት ቀላቅል ሆይ ረኡሱ ቀደም ዲብ መሓዘ ረበል አክተመ፡፡



አቅሊም ምግብ - ጅግንታው ወጪት እግል ካስ ሕርሃር ገብጸ

እብ መናሰቡት ዲድ ሕርሃር 2024፣ እግል ካስ ካሰ ምዕል ናይ ሐቲ ምዕል ጅግረ ወጪት፣ ለሐሐፊት ሰንበት 12 ማዮ፣ እት ባካት ሸርኩት ተአሚናት ገብጸ።

እሊ ናይ አቅሊም ምግብ ጅግረ፣ እግል አወላደም ሰለሰ መትባድረት፣ 3፣ 2 ወ1 ካልኢት ለሐሐፊት፣ እት ምግብ ትልህዮ ክልኤ ሾላት ምግባዮት ዐለ ዲቡ።

አዋልድ መትባድረት፣ 79.2 ኪሎምትር እት ትጃገረዮ። ለመትባድረት፣ ምን ሐልፊ ጅግራታትን ለሐሐፊ ጅግረ ክም አርኢዮ ትወደሐ።

ጀርቤታት መትብረጋጽ ሰበት አርኢዮ። “እግል እንዴ ትክምክመዮ ልትባደረ” ለሐሐፊ ሸካዮ፣ አፋሁ ላግማት አጽበሐዮ። እት አክር ዲባ ወደሆህ ሾላት ሆይ፣ መትባድራይት ናዲ ደንደን አድደም ዳዊት አወላይት።

ወለት ፈሪቅ ሮምና ጉዕሽ 2ይት፣ ወመትባድራይት ሰራይር ሳዋ ቅሳካት ወልዴሚካኤል ሆይ ሳልሳይት ፈገገዮ።

ሚለና ያፌት ወኤልዳና በረኸት - ደንደን፣ ሮዘና ብርሃኔ - ኡራዊ፣ ብርክት ፍሳሃይ - ጋላ ነፍሐ፣ ዮርዳኖስ ርእሶም - ሰራይር ሳዋ፣ ሞናሊዛ አርኢዮ ወሰዛና ፍሳሃ ምን ፈሪቅ ግብለት ሆይ፣ አሰክ 10ይ ተርቲብ ጸብጠዮ።

እሊን መትባድራት እት ሳዐት 35.2 ኪሎምትር እት ልትፈተት - እብ2 ሳዐት፣14 ደቂቀት ወ58 ካልኢት ቱ ጅግራሁን ለአትመመዮ።

እት ምግባዮት ሾላት ወናይ ደንገብ እብ ጀሚዕ 16 ካልኢት ለከሰበት አድደም፣ ወክደ ዲብ 2ሳ፣14ደ፣42ካ።



ለአንበተው መትባድራት ውላድ ዐባዮ፣ ምስል ለትፈናተ ፍሪቅ ለልትጃገር ወናይ ብሕተት እብ ዓመት ሐምስ መትባድራት ወጪት አሰክ ዱር አልጃርዮ እንዴ ሳርሐው ቶም ጅግራሁም ለወደው።

ብዙሕ ጀርቤታት መሊጭ፣ እብ ፍንቲት እት ምትንካብ ሰጋደት ተአሚናት ለዐለ ዲቡ ጅግረ፣ እብ ጃዝባይት መጃገረት ሾላት፣ እብ ዐውቱ መትባድራይ ናዲ አሰቤት አሌክሳንደር አሳቅ ተመ። ደርቡ ሆይ፣ ናኦድ ብርሃኔ - ደንደን፣ ዳንዮም ፍጹምብርሃን - አሰቤት፣ ናሆም ገዛኢ - ኡራቴል፣ ሮቤል መሐሪ - ሰምበል፣ መሐመድሳልሕ ያሲን እብ ብሕተት፣ አሰክ ሳድሳይ አተው።

እት ሳዐት 44.07 ኪሎምትር ከይዶ ለዐለው መትጃገረት፣ እግል ትዋመመት እሎም ናይ 118.8 ኪሎምትር - እብ2ሳ፣ 41ደ፣44ካ፣ አትመመው። እብ ጀሚዕ 12 ካልኢት

ምን ሰልፎም ገሌ ሸዋሬዕ አሰመረ ለከለው መትባድራት ሸክል (ነኢይሽ) ሆይ፣ ናይሰ ምዕል ለሸፍገ ወቅት ለሰጀለው ዐለው። እሎም አጀኒት እት ሳዐት 45.2 ኪሎምትር እት ልትፈተት ቱ እግል ናይ 79.2 ኪሎምትር መሳፈት እብ 1ሳ፣45ደ፣5ካ፣ ለአክለሰው።

አወላይ ለአተ ወእብ ጀሚዕ 12 ካልኢት ለከሰበ መትባድራይ ናዲ አሰቤት ዮሴፍ አለም፣ እግል ወቅቱ እት 1ሳ፣44ደ፣53ካ፣ እንዴ ከረዮ ተዐወተ። እብ ዕመማይ ወቅት ናሆም ኤፍሬም - ኡራቴል፣ ናኦድ በረኸት - ሰምበል፣ ንፍታሌም ኤፍሬም - ኡራቴል፣ ኬሽን ተክሊማርያም - አሰቤት፣ ወዘርያስ ኢሰያስ - ጽንዓት አሰክ ሳድስ ተርቲብ ለአተው ዐለው።

እብ ፈሪቅ ሆይ፣ አሰቤት - እብ5ሳ፣ 15ደ፣15ካ፣ ሰልፋይ እት ለአወልውል፣ ኡራቴል ወሰምበል ደርቡ ደረጀት ለጸብጠው ቶም።

እሊ ክእን ዲብ እንቲ፣ ገዳይም መትባድራት፣ እግል ዝክረት 33ይት ሰነት ሕርሃር ጅግረ ዋድደም ዐለው። እሎም እግል መትብረጋጽ ወመአይደቶም ቀዳምደም እት ዝክርያት ለሸመው መትባድራት ወጪት፣ 33 ኪሎምትር እት ትባድረው። እት ሳዐት 37 ኪሎምትር ሆይ ልጃር ዐለው። ቶማስ ቴድሮስ፣ ክሪስቲያን ትሪንጋሌ ወተኸሊት አሳቅ ሆይ፣ ደርብ ሕድ አተው።

ኤሪትሮፊያ መትባድራት ሸት ካርጅ

ፈሪቅ ወጪት ኤሪትሮፊያ ሰንበት ዲባ አንበተ ዱር አልጃርዮ 2024፣ እት ሰልፋይት መርሐለት እብ ሚሮን ተሾሚ ካልኢይት ደረጀት ጸብጠ።

እሊ 124 ኪሎምትር ለትገልብብ መርሐለት፣ ወድ አልጃርዮ ያሲን ሐምዛ እብ 3ሳ፣19ደ፣52ካ፣ ተዐወተ ዲቡ። ሚሮን፣ ወቅት እንዴ ኢከሰር ደርቡ እት ለአቴ፣ ሚልክያስ ማእከሌ፣ እብ ሕድ ለሸብህ ወቅት ሳምናይ ደረጀት ትረተቡ።

አርበዕ ካልኢታት ሌጠ ለደንገረ ያፌት ምሉጌታ 11ይ፣ አክሊሉ ገብረሂወት 4 ደቂቀት ወ54 ካልኢት እንዴ ተአከረ፣ 38ይ፣ኤሽን ዮማኔ ሆይ፣17ደ፣21ካ፣ እንዴ ደንገረ 70፣ ጸብጠ።

እትሰ አወላይት መርሐለት፣ ያሲን ቀደም ሚሮን እት ልትፈተት ፍሌንዮት ወቅት ለብሰ። ምን ናይ ወቅት ጅግረ ሸባብ ላኪን፣ ሚልክያስ ዋሌ ሀለ ወያፌት ሳልሳይ። እብ ንቀዋ ያሲን እብ 12፣ ሚሮን 11 ንቅጠት



መርሐ። ምስል ትራንጋት ልተልሂ ለሀለ መትክል እዮብ እብ ሰባ ንቅጠት ደርቦም ሀሉ፣ እት ናይ ሰጋደትመ መትክል እብ አርበዕ ንቅጠት ካልኢይ ሀሉ።

እምበል እሊ። እት ጃጋን እት ናይ ሰለሰ ምዕል ብድረ ወጪት ሸርክ ለአሰመን መትባድራይ ናዲ ትራንጋት መርሃዊ ቅዱሴ፣ እት ወቅት ምን ሰልፋይ እብ 11 ካልኢት እንዴ ደንገረ፣ 2ይ ተርቲብ እብ ጅግራሁ አትመመ። እምበልሁመ እት ሐየት ሰጋይድ ወእብ 35 ንቅጠት 2ይ ደረጀት ጸብጠ።

ፍሪቅ በሐር-ቀየሕ ወደንደን እት ትልህዮ ካስ ሕርሃር

እብ መናሰቡት 33ይት ሰነት ሕርሃር ወጠን፣ ገብጸ ለሀለ ተሰፍዶት ሱፐር-ዲቪዥን ኮብሪት እግር አቅሊም ምግብ፣ ማሌ እት ሰታድዮም አሰመረ ናይ ሰር ነሃየት ትልህዮታቱ እት ወደ እቲ ወቅት፣ ፍሪቅ በሐር-ቀየሕ ወደንደን እግል መትጃገራቶም እንዴ ቀልበው፣ እት ትልህዮ ካስ ሕርሃር ሐልፈው።

ሳዐት 2፡00 ለአንበተው አሰመረ ቢራ ወደንደን ዐለው። ለትልህዮ መጃገረት ሰኔት ዐለት ዲቡ። ምናተ፣ እት 26 ደቂቀት ዎሮ ምን መተልህዮት አሰመረ ቢራ ኩረት ምን ጀህት ጎል እብ እዳሁ ሰበት ከምሸዮ፣ እብ ከርት ቀይሕ ትጠረዘ፣ እት 41 ደቂቀት ሆይ ደንደን ምራዶም እንዴ ተመ እሎም፣ እትሰ ፈሪቅ ናቅስ አዳመ ጎል አተው። ሐቀ ዕርፍመ ደንደን እት 54፣ 61 ወ90 ደቂቀት፣ ሰለሰ ጎል ሰበት



ወሰከው፣ 4-0 ቀልበው ከዲብ ትልህዮ ካስ ሐልፋም ሀለው። ደርቦም ሳዐት 4፡00 ለአንበተው በሐር-ቀየሕ ወእልተሕሪር ዐለው። ጀርቤታት ሰኔ ጀርቦ ምንመ ዐለው፣ ክልኢቱ ፍሪቅ 90 ደቂቀት ጎል አተ አለቡ። ዎሮቶም እግል ልሕለፍ ሆይ፣

እብ ሪጎሌታት በሐር ቀየሕ 4-2 ዲብ ትልህዮ ካስ ሕርሃር ሐልፍ ሀሉ። በሐር-ቀየሕ ወደንደን እግል ካስ ሕርሃር ፈጅር ከሚሰ አልዐር እግል ልተልህው ቱ፣ አልተሕሪር ወሰመረ ቢሪ ሆይ፣ ከሚሰ ምን ገጽ አሰባሕ እግል ደረጀት ልተልህው።



እግል ትክረዮ ቀድረት። 10 ካልኢት ለነሰክሮ ሮምና ወቅሳካት ወቅተን ዲብ 2ሳ፣14ደ፣48ካ፣ ደሀረደሆ። ሚለና ወኤልዳና ሆይ፣ ደርብ ሕድ 4 ወ2 ካልኢት ነሰክሮ።

እብ ፈሪቅ ሆይ፣ አዋልድ ናዲ ደንደን እብ 6ሳ፣44ደ፣54ካ፣ ዕውታት ካስ ሕርሃር እት ገብኢ፣ ሰራይር ሳዋ ወጋላ-ነፍሐ ሆይ፣ ደርቡን ጸብጠዮ። መዋመጦር አዋልድ ጅግራሁም

ለከሰበ አሌክሳንደር፣ ወክዱ ዲብ 2ሳ፣41ደ፣32ካ፣ ልድህሩ እት ሀሉ፣ ናኦድ። እት ክምሰልሁ። ዳንዮም፣ ናሆም ወርቤልመ እብ ቀደም ትሌ፣ 7፣ 4 ወ2 ካልኢት ምን ወክደም አንቀሰው።

ናዲ አሰቤት፣ እብ ፈሪቅ እግል ጅግረ እብ 8ሳ፣5ደ፣12ካ፣ እት ልትወወት ዲቡ፣ ፍሪቅ ደንደን ወሰምበል ሆይ ካልኢይ ወሳልሳይ ትረተቡ።



ምን በዲርነ - ዕውታም !

ሕን ዲሞ ንትጋደል- ለገርዛን እግል ንንሰእ በዲር ኢትዮ-ብናህ- እል ሕርየት እብ ጀበእ ጠለፍ እትን ኣለቡ- ወእብ ኣፍናነት ለሀብ እብ ሐል ሰሊም ሐዜናህ- ወሰመዐን ኢትረከብ እብ ሸካዊ ሐዜንህ- ለቴለል ክምሰል ትጸበብ ሰኣልን ሬመት ሰለሉ- ወክም ዓዲ ተሐሰብ ኢተአመረ ቀጣህ- ለምሰጠሩ ትደብደብ በዲር ነብረት ትጨቅጠነ- ዐለም ለዕለት ኣለብ የሀብተነ ለሕቅቅነ- ክምለ ሐቕ ተሀየብ በዐል ተሓተት እንግሊዘቱ- ለዐማር ዐድነ ኣክረብ ለዋልያን ዐለ ነድቁ- መአሰሳት ኣግረብ ወለዐብ ካይን ኣምረኪ- ለሸቅሉ ምን ኩሉ ትደንክበ ሕርየት ኤረትርየ ቤለ- እግልን መሰሊሐት ኣለብ ሀይሌ ሰላሰም እብ ዋይዲሶምቱ- ለፍድራሌ ቀለብ ሰብእን እዘን ጽምት ተሀየቡት- ለሐቁ ምንም ትጣለብ ወዘመት ዳሩ ኢሰክብ- እግል ልናድል ትቀሰቡ።

እት ጀላብል ሕርየት- ሸዕብን ሕበር ናደለ ኣምዕል ዕርፍ ኣለቡ- ወላሊ ትርሃን ትጋደለ ወጃእር ለደም ሰታዩ- እት በዳነ ትወክለ እግል ለኣተጅገሐነ እብ ቀሰብ- ኣንስ ወኣጀኒት ቃተለ ግንዳብ ኢልርሕም ወግርዘ- ወሻብ ለኣዜ ሸንገለ ሰርነ ዐለ ለኣርዱ- ሰካኪን እንዴ ኣፍገረ ወሰርነ እት እሳት ማድዩ- መደጊቱ እንዴ ከረ ወኣብ ዲብን ኣለቡ- ከበክ ወኣንጸርጸረ ዓለም ለመለሀይ ድቁግም- ሕላብ ፍንጨጭ ተዐመረ ለሀይ ከምን ለሀይ ኢሐሱ- ኩሉ እብ ሐቅነ ትቃመረ ምናተ ለጀራይም ኢተክለዩ- ሸዕብን ለእሳት ትገረረ ሐር ትዋለብ ኣለቡ- ኩሉ ቀደም ሄረረ እንዴ ኢፈንቴ እብ ዕምር- ኣሰክ ሚዳን ተንክረ ውላድ ወለኣዋልድ- ኣግቡይ ረደም ካተረ ሻብ ልትሐረም ዲብ ፈረዕ- ኣሰክ ንዳል ለኢፈግረ ምን እሳት ዲብ እሳት ባደለ- ወክህለዩ ሰረረ ምንል ኣሰተሸሀደ ገኡ- ከክለ ርሐ ሰብል ወምንል መሰከነ- ዐጭመ እንዴ ትሰበረ ሐቀ ዐውል ቃሊቱ እል ሕርየት- ለጠዕመ እግልን ከበረ ዲኮን መጠናተ ኣለቡ- ወባረክ ወደሕረ።

ወሕን ጀላብ እል ዐድነ- ለዐውል እንክፍል ዝያደት በዲር ኣላፍ ፍራሱ- ዲብ ኣምጸኦትለ ሕርየት ወሐራ ለሸባብ ቀይሒት- ጀላብ ዐቂብ ሰያደት ኣሰክ ማሌ ደሚርነ- ሓግል ቱ ዐለ ቀሳነት ኢትትረከብ እብ ቀላል- ሰላመ ተሐዜ ደማነት።

ምን መርሐለት እት መርሐለት- ንዳልን ለእብ ኢተምም እት ዐለም መግሀፍ ህሌነ- ለእብ መሳልሐ ተሀምም ወሕን ኩሉ ኢቀዊነ- ጹዱቅ ነኣምር ወዘልም እብ ዋይዲብመ ለሐዜነ- እት ወክድ ምሰጠሩ እንፍህም ብህላይ ንሳሉ እንቀርጭ- ወኣፋሁ እንለግም ወልኡክ ዕምሩ ነኣጭር- ገብር ላቱ ወክድም ከእት ልበኪ እንበልሱ- ክልኤ ለእድሁ እንገርድም ለኣሪም ወለኣቅርብ በዳቱ መሰሩ- ደለ እግሉ ነግድም እብ ሸረፍነ ኢንተልሄ- ወነበረ ሂደት ኢንህልግም ወግብርነት ይእንረዱ- ለዕን ተኣበኪ ወኣፍ ኣዘም ወቀይነ እግልን ከሰሱ- ነኣክዮ ወነኣገርም ለእቱ ሕግም ኣለብነ- ከለኣደርሰን ወለኣፍህም እት ሐቅነ ሰብ ናይ ሕን- በርናምጅን እንዘም ወእተ ምድርነ ሸየም- ናሰን እንፈርድ ወነሐክም።

ሕን ድን ኣድር ሕን- ወመምበርነ ኣጥጥ ናይነ ካፍየትናተ- እት ናይ ብዕድ ኢነኣጥጥ እት ኢሸኡነ ይእንሰዱ- ወኢነኣትገራጥጥ ወሸረፍነ ለኬደ- ገበይ በደ ጸብጥ ኢኮን ባክነ ለሀሉ- ምን ቅብላት ነኣትናጥጥ።

ምሰልን ሰኒን ኢጽኔሕ- እብ ሰኔት ለኢደዌ ክም ሃብ ነኣነድዱ- ወክም ካቤት እንሸዌ ምን ኩሉ እንበትኩ- መሰሩ ልትቀዌ እት ኮርበደ ልትጸዕን- ወሐውት ብቀት ለሐዌ እብ ኮናቱ እንረግዙ- እኪትነ ለነዌ።
ሳይኔ ሙሰ (ወድ-ሐቢብ)

